

**ጾኑሲ ማደም ዳኪንቴ ጳውሎስ ዳኬ  
ላምዓሳ ኪኢቶ  
ቆርንቶስ ዓጮ ዓሶም  
ዓይፆ ካር**

ጳውሎስ ቆርንቶስ ዓሶም ፃኣፔ ላምዓሳ ኪኢታ ፃኣፒንቴህ  
ጳውሎስና ቆርንቶስይዳ ዓኣ፡ ኪሪሰቶስ ጉሙርቃ ዓሶና ባኣካ  
ሚታ ማዢንጉ ዓኣንቴኬ። ፔቴ ፔቴ ኪሪሰቶስ ጉሙርቃ ዓሳ ዒማና  
ዒዛ ፑርቲሲ ደንካያ ማዔቴያ ጳውሎስ ዔያቶና ዎላ ጊኢጋኒ ኮዓያ  
ማዒፆ ሃሃ ጊኢጌያ ማዔቴ ሚርጌና ዒዛ ዎዛሳኒ ዳንዳዒህ ሃና  
ኪኢታ ኬኤዛኔ።

ኪኢቶኮ ዓይፆይዳ ጳውሎስ ቆርንቶስይዳ ዓኣ፡ ኪሪሰቶስ  
ጉሙርቃ ዓሶና ዎላ ዓኣ ዒዛኮ ፔቴሞና ኪሪሰቶስ ጉሙርቃ ዓሶ  
ባኣካ ዒዛ ደንካ ዓሶና ዒዛ ዒፂ ማካ ዓሶም ዓይጋ ዒ ዴኤፆ  
ዑኡሲና ማሂ ኬኤዜቴያ ዔርዛኔ። ሃሃ ዬይ ዒዛኮ ጎሪፆ ዔያታ  
ዳሲንጉቲፓ ማዓንዳጉዲና ዒዛና ቡካንዳጉዲ ማሃሂር ዒዛ ዎዛሴ፡  
ዎዛ ዔያቶም ኬኤዛኔ። ዬካፓ ዪሁዳ ዓጮይዳ ዓኣ፡ ኪሪሰቶስ  
ጉሙርቃ ዓሶ ማኣዲኒ ኮሹሞና ዔያታ ዒንጎ ባኣዚ ዒንጋንዳጉዲ  
ዔያቶም ኬኤዛኔ። ሃና ኪኢቶኮ ጋፒንፆ ዓይፆንሂዳ ዓሳ ዒዛ ዒፂ  
ጋዓ ጌኤዘኮ ማሂፆ ጳውሎስ ኬኤዛኔ፤ ዓይጎር ጌዔቴ ቆርንቶስይዳ  
ዓኣ፡ ኪሪሰቶስ ጉሙርቃ ፔቴ ፔቴ ዓሳ ፔና ጎኔ ጾኑሲ ማደም  
ዳኪንቴያ ማሂ፡- «ጳውሎስ ጾኑሲ ማደም ጎኔ ዳኪንቴያቴዎሴ» ጌዒ  
ዒዛ ፑርቲሲ ኬኤዛሂርኬ።

**ማፃኣፔላ ዲማ ዲማ ዓርቄ ባኮ**

ዓይፆ ካር (1:1-11)

ጳውሎስና ቆርንቶስይዳ ዓኣ ሺኢጲፆ ማኣር ዓሶና ዛላ (1:12  
—7:16)

ዪሁዳይዳ ዓኣ፡ ኪሪሰቶስ ጉሙርቃ ዓሶም ዳኪንቴ ማኣዶ (8:1  
—9:15)

ጳውሎስ ጾኑሲ ማደም ዳኪንቴያ ማዔሂ ኬኤዜሂ (10:1—  
13:10)

ጋፒንሂ ሃይሴ (13:11-14)

1 የኦሲ ማለህ ማዕም ዩሱስ ኪሪስቶስኮ ዳኪንቲ ማዳያ ማዕ። ጳውሎስና ኑ ባሻህ ረሞቴዎስናይዳፓ፡-

ቆርንቶስይዳ ዓኣ ሺኢጲያ ማኣሮ ዓሶና፤ ዬያጉዲ ዓካይያይዳ ዓኣ። ኪሪስቶስ ጉሙርቃ ዴሮም ቢያ።

2 ኑ ዓዳህ። የኣዛህና ኑ ጎዳህ ዩሱስ ኪሪስቶስናኮ ሚጨንቲያና ኮሹሞና ዒንህም ማዎንጎ።

**ጳውሎስ የኦሲ ጋላቴ ጋላቶ**

3 ሚጨንታ ዓዶ ማዕያ፤ ሃሃ ቢያ ባኣዚና ዶዲሻያ ማዕ ያኣዛህ። ኑ ጎዳህ ዩሱስ ኪሪስቶስኮ ዓዶ። የኣዛህም ጋላታ ሄሎንጎ። 4 ኑኡኒ የኦሲዳፓ ዴንቃ ዶዴሞና ሜታህዲ ዓኣ ዓሶ ቢያ ዶዲሻኒ ዳንዳዓንዳጉዲ። የኦሲ ኑ ሜታዳ ዎዶና ቢያ ኑና ዶዲሻኔ።

5 ኪሪስቶስ ሜታዳ ሜቶ ኑዎ ሚርጌና ሜታዳህጉዲ ኪሪስቶስ ዛሎና ዶዴሞ ሚርጌና ኑ ዴንቃንዳኔ። 6 ኑኡኒ ሜታዳ ዎዶና ዒንህ ዶዴሞና ዳቁንታና ዴንቃኔ። ኑኡኒ ዶዴሞ ዴንቃ ዎዶና ሃሃ ዒንህያ ኑኡኒ ሜታዳ ሜቶጉዴ ሜቶ ጊቢ ዳንዳዒ ዶዴሞ ዴንቃኔ። 7 ኑኡና ዎላ ዒንህ ሜታዳህጉዲ። ኑ ዶዴሞ ዒንህ ዴንቃያ ማዕህ ኑ ዔራህሮ ዒንህዳ ኑ ጌሃ። ሃጊ ማዓንዳ ዎዛ ዶዲኔ።

8 ታ ዒሸንሃ! ታ ሚሸንሃ! ዒሲያይዳ ኑ ዓኣንቲ ኑና ሄሌ ሜታህ ዒንህ ዔራንዳጉዲ ኑ ኮዓኔ፤ ዬይ ኑና ሄሌ ሜታህ ሚርጌና ኑም ዴኤጃያ ማዕህሮ ኑ ሸምፔና ዓታንዳኔ ጌዒ ማለባኣኔ። 9 ፔቶ ኑ ሃይቃንዳጉዲ ኑ ዑፃ ዎጊንቲያ ኑም ማሊ ዴዴኔ፤ ዬይ ቢያ ኑና ሄሌህ ሃይቁ ዓሶ ዔቁሳ። የኦሲ ኑ ጉሙርቃንዳጉዲ ማሃንዳፓዓቴም ኑና ኑ ጉሙርቁዎጉዲኔ። 10 ዬያሮ ዒዚ ኑና ዬያ ሃይቦይዳፓ ዳቁሸኔ፤ ሃጊያ ኑና ዳቁሻንዳኔ፤ ኑና ዳቁሻንዳኔ ጌዒ ሃጊ ማዓንዳ ዎዛ ኑ ጌሃህ ዒዛይዳኔ፤ 11 ዬይ ዒንህ ኑና ሺኢጲያና ማኣዳህሮ። ሚርጌ ዓሶ ሺኢጲያና ኑኡኒ የኦሲ ማኣዶ ዴንቁም ሚርጌህ የኦሲ ጋላታንዳኔ።

**ጳውሎስኮ ማሌ ማሊያ ሺርሺያ**

12 ሃያ ዓጮይዳ ባሽ ዒንህና ዎላ ኑ ፔቴሞና ሃሃ የኦሲዳፓ ማዕ። ጂሉሞና ፒዙሞና ኑ ናንጌህ ኑ ዒና ማርካዳኔ፤ ዬይ ዓሲ ዔራቶናቴዎንቲ የኦሲ ፔ ኮሹሞና ዒንጋ ዒንጊያ ዎልቆናኔ፤ ዬያሮ ሄርሺንታ ኑኡኮ ዬያናኔ። 13 ናባቢ ዒንህ ዔራኒ ዳንዳዑዎ ባኣዚ ኑ ዒንህም ጻኣፓዓኔ፤ ቢያ ባኮ ዒንህ ዔራንዳህያ ታ ጉሙርቃኔ፤ 14 ሃህ ዒንህ ኑ ዛሎ ጋፒሲ ዔራሞ ባኮ ጊንፃፓ ጋፒሲ

ዲንህሂ ዔራንዳህሂ ታ ጉሙርቃኔ፤ ጎዳ ዩሱሴ ኬሎና ኑ ዲንህሂና ምቅርቃንዳህሂጉዲ ዲንህህያ ኑኡና ምቅርቃንዳኔ።

15 ዬይ ባካ ጎኔ ማዔህሂ ታ ዔራህሂሮ ለሚ ዲንህሂም ማዓ ባአዚ ዲንህሂ ዴንቃዳጉዲ ቤርታዲ ዲንህሂ ታ ዛጋኒ ማሌንቴኬ። 16 ዬያ ታ ዛጋኒ ማሌህ ማቄደኒያ ባንህሂ ዓአዳአና ሃህ ዒኢካፓ ማዒ ሙካአናአ ቢያኬ፤ ዩካፓ ዩሁዳ ታ ዓአዳአና ዲንህሂ ታና ማአዳንዳኔ ጌዒ ታ ማሌኔ። 17 ጋዓንቴ ዬያ ታ ማላአና ታአኒ ማዳ ባኮ ዔራቀዎ፣ ማሊዎና ሴካ ሃንጋ ጌዒ ሺራ ዓሲ ማላ? ሃህ ዬያ ማሊዎና ፔቴና «ሂዮዎ፣ ዔይዔያ» ጌዒ ጌዒ ዓሲ ማሊህሂና ታ ማዳያ ማላ? 18 ያኑሲ ሉኡቁዎ ያኑሲ ማዔህሂሮ ኑኡኒያ ዲንህሂም ኬኤዛህሂ «ሂዮዎ፣ ዔይዔያ» ጌዒ ሴካ ሃንጋ ጌይሲ ሺርሻ ባአዚቱዋሴ። 19 ዓይጎር ጌዔቴ ታናንታ ሲላሴንታ ፃሞቴዎሴንታ ያኑሲኮ ናዓህ፣ ዩሱሴ ኪሪሰቶሴ ዛሎ ኑ ዲንህሂም ኬኤዛህሂ «ሂዮ» ጋዓያና ሌሊ ማዓንዳአፓዓቴም «ሂዮዎ፣ ዔይዔያ» ጋዓያናቱዋሴ። 20 ያኑሲ ኑም ዲንጌ ሃጊ ማዓንዳ ዎዛ ቢያ «ሂዮ» ማዒ ኩማንዳህሂ ዩሱሴ ኪሪሰቶሴናኬ። ዩያርኬ ያኑሲ ቦንቾም ኪሪሰቶሴና «ዓአሜን» ኑ ጋዓህ። 21 ኑና ማዔቴያ ዲንህሂ ኪሪሰቶሴና ኑ ደዳንዳጉዲ ማሄህሂ ያኑሲኬ፤ ዒዛም ኑና ዲማሴህሂያ ዒዛኬ። 22 ዒዛም ኑ ማዔህሂ ዔርዘ ማላታ ኑጉዳ ጌሄህሂና ሃጊ ኑም ዲንጊንታንዳ ባኮኮ ዓያና ጌኤዦ ዓይህሂ ባአዚ ማሂ ኑም ዲንጌህሂ ዒዛኬ።

23 ታአኒ ቆሮንቶሴ ማዒ ሙኪባአህሂ ዲንህሂ ያዩሳዓ ጌዒ፣ ሚጨንቴህሂናኬ፤ ዩያኮ ያኑሲ ታአኮ ማርካኬ። 24 ዲንህሂ ጉሙርቁህሂና ደዴያ ማዔህሂሮ ዲንህሂ ዎዛሳኒ ዲንህሂና ዎላ ኑ ማዓንዳአፓዓቴም ዲንህሂ ጉሙርቃንዳ ባኮ ኑ ዲንህሂም ኬኤዚ ዓይህያቱዋሴ።

## 2

1 ዓካሪ ታ ዲንህሂ ያዩሳኒ ኮይባአህሂሮ ለሚ ታ ዲንህሂ ኮይላ ሙካዓ ጌዒ ማሌኔ። 2 ታ ዲንህሂ ያዩሴያ ማዔቴያ ታ ያዩሴ፣ ዲንህሂዳፓ ዓታዛ ሚሌ ታና ዎዛሳንዳይ ያናዳይ? 3 ሃያኮ ቤርታ ታ ዲንህሂም ፃአፔህሂ ዲንህሂ ኮይላ ታ ሙካአና ታና ዎዛሳኒ ኮይሳ ዓሳ ታና ያዩሱዋጉዲ ጌዒኬ፤ ዓይጎር ጌዔቴ ታ ዎዛዴኔ ጌይፃ ዲንህሂ ቢያህሂ ዎዛዴኔ ጌይህሂ ማዔህሂ ታ ጉሙርቃኔ። 4 ሚርጌ ያዩ፣ ሜታዲ ማሊህሂና ሃህ ሚርጌና ዩኤኪ ዩኤኪ ታ ዲንህሂም ፃአፔህሂ ሚርጌ ታ ዲንህሂ ናሽካያ ማዔህሂ ዲንህሂ ዔራንዳጉዲ ጌይ ማዓንዳአፓዓቴም ዲንህሂ ያዩሳኒ ጌይቱዋሴ።

1:16 1:16 ዳኪ. ማዳ 19:21። 1:19 1:19 ዳኪ. ማዳ 18:5።

**ደቤ ዓሲም ዓቶም ጌይሢ ዛላ**

5 ዓይጎ ዓሲያ ማምም ዓሲ ያዩሴይ ዓኣቶ ዒዛኮ ደቢንቶ ፑኡፒሲ ኬኤዚሢቲቸዋንቲ ዒ ያዩሴሢ ታናቲቸዋንቲ ዒንሢዳፓ ሚርጌሢ ዒ ያዩሴኔ ጌይሢኬ። 6 ዬያጉዴ ዓሢም ዒንሢዳፓ ሚርጌሢ ጌሰቲ ዓጌ ባካ ዒዛም ገዳንዳኔ። 7 ዬያሮ ዬይ ዓሢ ሚርጌ ያዩሢና ዋዛ ባይዙዋጉዲ፣ ዒዛም ዒንሢ ዓቶም ጋዓንዳያና ደዲሻንዳያ ኮይሳኔ። 8 ሃሃ ዒንሢ ዒዛ ናሽካያ ማዒያ ገንሢ ጎናሲ ዔርዛንዳጉዲ ታ ዒንሢ ሸኢቃኔ። 9 ዬያ ከኢቶ ታ ዒንሢም ፃኣፔሢ ዒንሢ ዛጋጌ ዒንጎ ሚታሢ ዋዲ ዒንሢ ዶዲ ዓኣሣቴያ ሃሃ ቢያ ዋዶ ታኣኒ ዓይሢ ባኮ ዒንሢ ኩንሣያ ማዔቴያ ዔራኒ ጌይኬ። 10 ዒንሢ ደቢንቶ ዓቶም ጋዓ ዓሢም ታኣኒያ ዓቶም ጋዓንዳኔ፤ ታ ዒዛም ዓቶም ጋዓንዳ ዔርቴ ደቢንቲ ዓኣቶ ታኣኒ ከሪሰቶሴ ቤርታ ዒዛም ዓቶም ጌዔሢ ዒንሢ ጋቲ ጌይኬ። 11 ዬያ ኑ ማዳሢ ፃላሄኮ ጌሮ ማሊያ ኑ ዔራሢሮ ካራ ዒ ዴንቁ ጌሉዋጉዲ ጌይኬ።

**ከሪሰቶሴና ጴዳ ባሺሢ**

12 ዬካፓ ከሪሰቶሴኮ ኮኩ ሃይሶ ኬኤዛኒ ዪሮዓዳ ታ ዓኣዴ ዋዶና ጎዳ ዳልገ ማዶኮ ካራ ታኣም ቡሌንቲ፣ 13 ዒኢካ ታኣኒ ታ ዓሻሢ፣ ቲቶ ዴንቁባኣሢሮ ዒና ታኣኮ ሃውሽባኣሴ። ዬያሮ ዒኢካ ዓኣ ከሪሰቶሴ ጉሙርቃ ዓሶ ሳራሢ ማዔዶኒያ ታ ዓኣዴኔ።

14 ጋዓንቲ ቢያ ዋዶ ከሪሰቶሴ ባሻ ባሺያና ዔኪ ኑና ሃንታሢንታ ከሪሰቶሴኮ ዓኣ ዔራቶ ቢያ ቤዞ ሳውቃ ቲሺጉዲ ኑ ሄሊሳንዳጉዲ ኑና ማሃ ያኣዛሢም ጋላታ ሄሎም። 15 ኑኡኒ ዳቃ ዓሶም ማዔቴያ ባይቃ ዓሶም ኮሺ ሳውሞ ዓኣ ዑንጃጉዲ ከሪሰቶሴ ዛሎና ያኣሲም ዒንገንቲያኬ። 16 ባይቃ ዓሶም ዋዳያ፣ ሃይቢ ሃይቢ ጌይ ሳውቃያ፤ ዳቃዞንሢም ጋዓንቲ ኑኡኒ ናንገ ዒንጋያ ሸምፖ ሳዊኬ፤ ዓካሪ ዬያ ማዶ ማዳኒ ዳንዳዓሢ ያናዳይ? 17 ኑኡኒ ያኣሲ ቃኣሎ ኮርሞ ባኣዚሮ ዔኪ ሃንታ ሚርጌ ዓሶጉዲቲቀሴ፤ ጋዓንቲ ኑኡኒ ያኣሲፓ ዳኪንቲ ዓሶጉዲ ከሪሰቶሴና ማዒ ያኣሲ ቤርታ ፒዙሞና ኬኤዛኔ።

**3**

**ዓኮ ጫኣቁሞ ዋዶና ማዳ ዓሶ**

1 ኑ ኑና ገንሢ ሄሄርሻኔ ጌይሢዳ? ሃሃ ፔቲ ፔቲ ዓሳ ማዳሢጉዲ ዒንሢምታቲያ ዒንሢዳፓ ፒዜ ማዳያ ማዒያ ዔርዛ ዋርቃታ ኑም ኮይሳኔ ጌይሢዳ? 2 ዓሲ ቢያ ዒንሢ ዛጋያና ናባባያ፣ ኑ ፒዜ

2:13 2:13 ዳኪ. ማዳ 20:1።

ማዳያ ማዲያ ዔርዛ፣ ኑ ዒና ፃኣፒንቲ ዓኣሢ ዒንሢኬ። 3 ዒንሢ ኑ ማዳ ማዳፓ ጴዳያ፣ ኪሪሰቶሴኮ ፃኣፒንቲ ኪኢታ ማዒሢ ዔርቲያኮ፤ ዬይ ኪኢታ ፃኣፒንቲሢ ናንጊና ናንጋ ያኦሲ ዒያኖና ማዒንዳኣፓዓቲም ዓሲ ፃኣፓ ባኣዚናቲዋሴ፤ ሃሃ ዬይ ዓሲ ዒናይዳ ፃኣፒንቲያኮ፤ ዓርሲንቲ ሹቺዳ ፃኣፖናያቲዋሴ።

4 ዬያ ኑ ጋዓሢ ኪሪሰቶሴ ዛሎና ያኦሲ ጉሙርቂኬ። 5 ኑ ማዳ ማዳ ማዳንዳጉዲ ዋልቁ ኑም ዒንጋሢ ያኦሲ ማዒንዳኣፓዓቲም ኑኡኒ ኑ ቶኣኪና ዓይጎዋ ማዳኒ ዋልቁ ኑኡኮ ባኣሴ። 6 ዓኮ ጫኣቁዋ ዋዶ ማዳ ኑ ማዳንዳጉዲ ማሄሢ ያኦሲኬ፤ ዬይ ፃኣፒንቲ ዋጎናቲዋንቲ ዓያኖ ጌኤኮ ዛሎና ማዒያኮ፤ ፃኣፒንቲ ዋጋ ዋዋዳ፤ ዓያኖ ጌኤኮ ጋዓንቲ ሺምፖ ዒንጋኔ።

7 ፃኣፒንቲ ዋጎ ቆኦቂ ኮሸናሢ ዓርሲንቲ ሹጮይዳኬ፤ ዋጋ ዒንጊንቲ ዋዶና ያኦሲ ቦንቻ ፔጋዲ ጴዳ፤ ሙሴኮ ዓኣፖ ካርይዳ ፖዔ ፖዓ ባይቂ ባይቂ ዓኣዳያ ማዒያ ዒሰራዔኤሌ ዓሳ ሙሴኮ ዓኣፖ ካር ኮሺ ዛጋኒ ዳንዳዒባኣሴ፤ ዓካሪ ዋዳ ዋጋ ዬያጉዴ ቦንቻና ጴዳያ ማዒያ፣ 8 ዓያኖ ጌኤኮ ዛሎና ማዳንታ ማዳ ዋዚ ባሺ ቦንቻ ዓኣያ ማዒንዳይ! 9 ዓሳ «ዳቤኔ» ጌዒ ዋጋ ማዳ ዬያይዲ ቦንቹንታያ ማዒያ ዓሳ ዳቂሻ ማዳ ዋዚ ባሺ ቦንቻ ዓኣያ ማዒንዳይ! 10 ቤርታ ቦንቹንቲያ ማዒያ ማዳ ሃሢ ባሺ ቦንቹንቲ ማዳና ዋላ ቤኤዚ ዛጎዛ ቦንቻ ባኣ ባኣዚ ማዒያ ጴዳ፤ 11 ዬይ ባይቃያ ማዒያ ባካ ዬያጉዴ ቦንቻና ዓኣያ ማዒያ ናንጊና ባይቁዋና ናንጋ ባኮኮ ባሺ ቦንቻ ዓኣኔ ጌይሢኬ።

12 ዬያጉዴ ሃጊ ማዒንዳ ዋዛ ኑኡኮ ዓኣሢር ዑሃ ዓኣዳ ጫርቂ ኑ ኬኤዛ። 13 ሙሴኮ ዓኣፖ ካር ፖዓሢ ሃሻኣና ዒሰራዔኤሌ ዓሳ ዒዛኮ ዓኣፖ ካር ዴንቁዋጉዲ ዓኣፖ ካር ዒ ካንቃ፤ ኑኡኒ ጋዓንቲ ዒዛ ጉዲቲዋሴ። 14 ዒሰራዔኤሌ ዓሳኮ ዒና ዔኩዋያ ማዒያ ጎኔና ዶጪ ዓኣኔ፤ ሃኖ ሄላንዳኣና ሚናኣ ጫኣቃሢ ማፃኣፓ ዔያታና ባባኣና ዒና ዔያቶኮ ዬኖ ካንቆ ዓፒሌሎና ካንቁንታያኮ፤ ጋዓንቲ ዬና ካንቃ ባኬላ ባይቃንዳሢ ኪሪሰቶሴ ዛሎና ሌሊኬ። 15 ሃኖ ሄላንዳኣና ሙሴ ዔርዘኮ ዋጎ ማፃኣፓ ዔያታና ባባኣና ዒና ዔያቶኮ ዬኖ ባኬሎና ካንቁንታ። 16 ጋዓንቲ ዬና ባኬላ ሺኢካኒ ዳንዳዓ፤ ጌኤኮ ማፃኣፓይዳ፡- «ሙሴ ጎዳ ባንሢ ማዒያ ካንቃ ባኬላ ሺኢኬ» ጋዓኔ። 17 ዬያር ጎዳ ጌይንቲሢ ዓያኖኬ፤ ጎዳኮ ዓያና ዓኣ ቤሰካ

3:3 3:3 ኬሲ. ማፃ 24:12፤ ዔር. 31:33፤ ሃዚ. 11:19፤ 36:26። 3:6 3:6 ዔር. 31:31። 3:7 3:7 ኬሲ. ማፃ 34:29። 3:13 3:13 ኬሲ. ማፃ 34:33። 3:16 3:16 ኬሲ. ማፃ 34:34።

ዓይሉም ባኣሴ። 18 ዬያሮ ኑ ቢያሢ ጎዳኮ ቦንቾ ካንቁንቲባኣ ዓኣፒ ካራና ፖራ፣ ፔጋሲ ዳቀኔ፤ ዓያና ማዔ ጎዳይዳፓ ጴዳ ሃይ ቦንቾ ቦንቾይዳ ቦንቾ ኑም ቃሲ ቃሲ ዓዳ ጎዳ ኑ ማላንዳጉዲ ማሃኔ።

### 4

#### ጾኦሲ ማደም ዳኪንቴዘንሢካን ጉሙርቁንቲ ማደ

1 ጾኦሲ ፔ ኮሹሞና ሃያ ማደ ኑም ዒንጌሢሮ ሃጋኣ ዋዛባኣ ዓሲ ኑ ማዓዓከ። 2 ዔርቲባኣ ባኮና ቦርሳያ ማዔ ባኮ ኑ ሃሼኔ፤ ጌሺሢ ማደቀ ኑ ማደቀሴ፤ ጾኦሲኮ ቃኣሎ ሉኡዙሞ ባኣዚና ዋላ ኑ ሲኢሩቀሴ፤ ጋዓንቴ ጎኑም ፔጋሲ፣ ፔጋ ኬኤዘኔ፤ ማሊያ ኑኡሲያ ዓሲም ቢያ ፔጋሲ ፔጋሲ ጾኦሲ ቤርታ ኑ ናንጋኔ። 3 ኑ ኬኤዘ ኮዦ ሃይሳ ዔርቲቀያ ማዔቲያ ዔርቲቀያ ማዓሢ ባይቃ ዓሲምከ። 4 ዔያታ ኑ ኬኤዘ ባኮ ጉሙርቁቀኣሢ ሃያ ዓጮኮ ጾኦሲ ማዔ፣ ዓላሃ ዒኖ ዔያቶኮ ባይዜሢሮከ፤ ጾኦሲ ማሎና ጴዳ፣ ኪሪሰቶሴ ቦንቾ ዛሎ ኬኤዘንቴ ኮዦ ሃይሶይዳፓ ጴዳ ፖያ ዳንቁጉዲ ዔያቶ ማሃሢ ዒዛከ። 5 ኑኡኒ ኬኤዘሢ ዬሱሰ ኪሪሰቶሴ ጎዳ ማዔሢና ኑኡኒያ ኑ ቶኦኪና ዬሱሴ ዛሎና ዒንሢም ማደያ ማዒያ ማዓንዳኣፓዓቲም ኑ ዛላ ኑ ኬኤዘቀሴ። 6 ዓይጎሮ ጌዔቲ፡- «ፖዓ ዲሞይዳ ፖያንጎ» ጌዔ ጾኦዛሢ ኪሪሰቶሴ ማሎና ፖዓ፣ ጾኦሲ ቦንቾ ዔርዛ ፖዒ ኑም ዒንጌንታዳጉዲ ፖያ ኑኡኮ ዒኖይዳ ፖሢሃኔ።

#### ጾቲ ጋርካ ጌሢንቴ ኮይዘንታ ሜሄ

7 ጋዓንቴ ሃይ ዴኤፖ ዋልቃ ጾኦሲዳፓ ማዓንዳኣፓዓቲም ኑኡር ማዒባኣሢ ዔርታንዳጉዲ ሃያ ቦንቾ ባኮ ጾቲ ማዒ ኑ ዓርቁ ዓኣኔ። 8 ቢያ ዛሎና ሜታ ኑና ሄላኔ፤ ጋዓንቴ ኑ ባሽንቴቀሴ፤ ሚርጌና ዔርቲ ዒፃ ባኣዚ ኑ ጌዳ ሙካኔ፤ ማዔቲያ ኑ ሃጊ ማዓንዳ ዋዛ ባይዘቀሴ፤ 9 ኑና ዒፃ ዓሳ ዳውሳኔ፤ ጋዓንቴ ላጌ ኑ ባይዚ ቤቁባኣሴ፤ ጳዲንቲ ኑ ሎኦማኔ፤ ጋዓንቴ ኑ ባይቁቀሴ፤ 10 ዬሱሴኮ ሃይቦ ባሽ ሹምፓሢ ኑ ዑፃ ፔጋዲ ዔርታንዳጉዲ ቢያ ዋዳ ዬሱሴኮ ሃይቦ ኑ ዑፃ ኑ ኬዲ ሃንታኔ። 11 ዒዛኮ ሃይቦ ባሽ፣ ሹምፓሢ ኑኡኮ ሃይቃ ዑያይዳ ፔጋዲ ዔርታንዳጉዲ ጌዒ ኑኡኒ ሃሢ ሹምፖና ዓኣ ዓሳ ቢያ ኬሊ ዬሱሴ ዛሎሮ ሃይቁፖ ዓቲ ዓቲ ዓኣኔ። 12 ዓካሪ ኑኡኒ ሃይቁፖ ዓቲ ዓቲ ናንጋኔ፤ ዒንሢ ጋዓንቴ ሹምፖና ናንጋኔ።

13 ጌኤዦ ማፃኣፖይዳ፡- «ታ ጉሙርቃሢ ኬኤዘኔ» ጌይንቲ ፃኣፒንቴሢ፡- ኑኡኒያ ዬኖ ዓያኖና ጉሙርቃኔ፤ ዬያሮ ኑ ኬኤዘኔ።

4:6 4:6 ማዢ. ማፃ 1:3።

14 ጎዳ ዩሱሴ ሃይባፓ ዔቁሴ ጾኑዛሢ ኑናኣ ዩሱሴና ዎላ ዔቁሴ፡ ዒንሢና ዎላ ፔ ቤርቶ ሺኢሻንዳሢ ኑ ዔራኔ። 15 ዬይ ቢያ ዒንሢ ማኣዳንዳጉዲ ማዔኔ፤ ጾኑሲኮ ኮሹዎ ዒንጊፃ ሚርጌ ዓሶም ዒንጊንቲ ዒንጊንቲ ዓኣሢ ዬይ ዓሳ ጾኑሲ ሚርጌና ጋላታንዳጉዲና ቦንቻንዳጉዲኬ።

ጎዳ ጉሙርቂ ናንጊሢ

16 ዬያሮ ኑ ሃጋኣ ዎዛባኣ ዓሲ ማዓዓኬ፤ ዎዚ ኑኡኮ ዙላ ጴዳ፡ ዑፃ ባይቃያ ማዔቴያ ጋሮ ዑፃ ኑኡኮ ቢያ ኬሊ ዓካዳኔ። 17 ዎይቲ ጌዔቴ ሃይ ሹሌዔ፤ ሃሣዳካ ዎዴሮ ማዔ ሜታሢ ቤቃያባኣ፡ ናንጊና ናንጋ ቦንቶ ኑም ጴዳሻንዳኔ። 18 ኑኡኒ ዛጊ ዓኣሢ፡- ጴዳ ባኮቱዎንቴ ጴዳዎ ባኮኬ፤ ዓይጎሮ ጌዔቴ ጴዳ ባካ ሃሣኣ ባኣዚ ሌሊኬ፤ ጴዳዎ ባካ ጋዓንቴ ናንጊና ባይቁዎ ባኣዚ ማዔሢሮኬ።

5

1 ሃይ ዉልሻ ማላ፡ ዳካ ዎዴሮ ማዔ ዑፃ ኑኡኮ ባይቁቴያ ዓሲ ማዚባኣያ፡ ጾኑሲ ማዜ ናንጊና ናንጎ ማኣሪ ኑኡኮ ጫሪንጮይዳ ዓኣሢ ኑ ዔራኔ። 2 ሃይካ ሳይይዳ ኑ ዓኣያ ጫሪንጮይዳ ዓኣ ማኣሮ ኑኡኮ ጌላኒ ኮዒ ሚርጌና ማሊ ኑ ሜታዳኔ። 3 ዬያ ማኣሮይዳ ኑ ጌሌ ዎዶና ማኣሪባኣያ ካሎ ኑ ማዓዓኬ። 4 ሃያ ዉልሻጉዴ ማኣሮይዳ ኑ ናንጋ ናንጋ ዴኤፃም፡ ኑ ሚርጌና ማሊ ሜታዳኔ፤ ኑ ዬያይዳ ማሊ ሜታዳሢያ ኑኡኮ ሃይቃ ዑፃ ናንጎና ዔኤዲንቶም ጊዳ ቃቃሳኒ ማዓንዳፓዓቴም ኑፓ ሺኢሻንቲቀሴ። 5 ያዲ ማዓንዳጉዲ ኑና ጊኢጊሼሢ ጾኑሴኬ፤ ኑም ሃጊ ማዓንዳ ባኮኮ ቢያ ዓይሢ ባኣዚ ማዓንዳጉዲ ፔኤኮ ዓያኖዎ ኑም ዒንጌሢ ዒዛኬ።

6 ኑኡኮ ሳይይዳ ናንጎ ማኣሮ ማዔ ዑፃና ኑ ዓኣ ዎዶማና ጎዳይዳፓ ኑ ሃኪ ናንጋሢ ዔራያ ማዔቴያ ቢያ ዎዴ ዒጊጩዎፖ ጎዳ ጉሙርቂ ኑ ናንጋኔ። 7 ኑኡኒ ናንጋሢ ጎዳ ጉሙርቂሢ ማዓንዳኣፓዓቴም ዛጊሢናቲቀሴ። 8 ሃያ ኑኡኮ ማኣሮ ማዔ ዑፃይዳፓ ዳማዲ ጎዳና ናንጋኒ ኑኡኒ ኮዓኔ፤ ጫርቂኬ ኑ ጌሰታሢ። 9 ዬያሮ ሃያ ኑኡኮ ዑፃና ኑ ዓኣቴያ ዳማዲ ኑ ናንጌቴያ ኑኡኮ ማሊፃ ጎዳ ዎዛሲሢኬ። 10 ፔቴ ፔቴሢ ፔ ናንጌ ዎዶና ማዴማ ጉዴያ፡ ኮሺ ማዔቴያ ፑርታ ማዴ ማዴ ዛሎ ዒንጊንታ ባኮ ዔካኒ ኪሪሰቶሴኮ ዎጎ ዎጎ ቤዞ ሺኢኪ ዔካንዳኔ።

ኪሪሰቶሴ ዛሎና ጊኢጊሼሢ ማዴ

4:13 4:13 ዓይኑ. 116:10። 5:5 5:5 ሮሜ 14:10።

11 ያኑሲ ዲጊጩህ ዋዚ ገይህታቲያ ኑ ዔራሂሮ ዓሳ ኑ ጋዓ ባኮ ጎኔኬ ገይ ዔካንዳጉዲ ኑ ማዳኔ፤ ኑኡኒ ያናንሂታቲያ ያኑሲ ኑና ዔራኔ፤ ዲንሂያ ሃሃ ዲንሂ ዲኖና ኑኡኒ ያናንሂታቲያ ዔራኔ ገይ ታ ማላኔ። 12 ጋርሲ ዲናይዳ ዓኣ ባኣዚቱዋንቲ፣ ዙላ ዓሲም ጴዳ ባኣዚና ሄርሺንታ ዓሶም ዲንሂ ማሂ ኬኤዛኒ ኑኡና ዲንሂ ሄርሺንታንዳጉዲ ማዓንዳኣገዓቲም ላሚ ገንህ ኑኡኮ ያኑም ዲንሂም ኑ ኬኤዛኒቱዋሴ። 13 ኑ ዣኣሸካ ዓሲ ማዔቲያ ያኑሲሮ ገይኬ፤ ሃሃ ዲናና ዓኣ ዓሲ ኑ ማዔቲ ዲንሂሮ ገይኬ። 14 ኪሪሰቶሴኮ ናሹማ ኑና ዬያ ማዲሻኔ፤ ፔቲሂ ቢያሂ ዛሎ ሃይቁሂሮ ቢያሂ ዲዛና ዋላ ሃይቁያ ማዔሂ ኑ ዔራኔ። 15 ሸምፔና ዓኣዘንሂ ቢያ ዔያቶ ጋይቲ ሃይቁ ሃይባገ ዔቁሂም ናንጋንዳኣገዓቲም ሃይካገ ሴካ ፔኤም ጌዒ ናንጉዋጉዲ ኪሪሰቶሴ ቢያሂም ሃይቁኔ።

16 ዬያሮ ሃይገ ሴካ ያናኣ ኑ ዓሲ ዛጋ ዓኣፒና ዛጋዓኬ፤ ሃያኮ ቤርታ ኪሪሰቶሴ ኑ ዛገሂ ዓሲ ዛጋ ዓኣፒና ማዔቲያ ሃካገ ሴካ ጋዓንቲ ኑ ዛጋንዳሂ ዬያ ጎይዖቱዋሴ። 17 ዬያሮ ያኑኒያ ኪሪሰቶሴና ዋላ ፔቲ ማዔቲ ዓኪ ማዢንቲኬ፤ ቤርታኣ ባካ ዓኣዳኔ፤ ዬያ ቤዘ ዓኪ ባኣዚ ዓርቁኔ ገይሂኬ። 18 ዬይ ቢያ ያዲ ማዔሂ ኑና ፔኤና ዋላ ኪሪሰቶሴ ዛሎና ገኢጊሹሂና፣ ገኢጊሹዖ ማዲዎ ኑም ዲንገ ያኑዛሂ ዛሎናኬ። 19 ዬይያ ያኑሲ ኪሪሰቶሴ ዛሎና ዓሶ ቢያ ፔኤና ዋላ ገኢጊሹኔ ገይሂኬ፤ ሃሃ ዳቢንቶዋ ዔያቶኮ ዓርቁባኣ፤ ኑኡማኣ ዬያ ዓሶ ገኢጊሻ ቃኣሎ ዲንገኔ።

20 ያኑሲ ዓሶ ፔ ባንሂ ኑ ዛሎና ዔኤላሂሮ ኑኡኒ ኪሪሰቶሴ ዛሎ ማዒ ገሰታያኬ፤ ዬያሮ፡- «ያኑሲና ዋላ ገኢጉዋቲ» ጌዒ ኪሪሰቶሴ ሱንያና ኑ ዲንሂ ሸኢቃኔ። 21 ኑኡኒ ኪሪሰቶሴና ዋላ ፔቲ ማዒ ያኑሲ ያሉም ዴንቃንዳጉዲ ጎሜባኣ ኪሪሰቶሴ ኑኡኮ ጎም ኬዳንዳጉዲ ያኑሲ ማሂኔ።

## 6

1 ያኑሲና ዋላ ኑኡኒ ማዲያ ማዔያታሂሮ፡- «ዲንሂ ያኑሲዳገ ዔኬ፣ ዒ ፔ ኮሹሞና ዲንገ ዲንገዖ ጉሪ ማሂፖቲ» ገይ ኑ ዲንሂ ሸኢቃኔ። 2 ያኑሲ ኬኤዛዖ፡-  
 «ታ ኔኤም ኮሺ ባኣዚ ማዳንዳኔ ጌዔ ኬላ  
 ሄሌ ዋደማና ታ ኔኤም ዋይዜኔ፤  
 ታ ኔና ዳቁሻንዳኔ ጌዔ ኬላ  
 ሄሌ ዋደማና ታ ኔና ማኣዴኔ» ጋዓሂሮ  
 «ሃይሾ ዓካሪ ገይንቲ ዋዳ ሃያኬ፤

ዳቂንቶ ከላኦ ሃናኩ።»

3 ኑ ማዳ ማዳ ለሂንቱዋጉዲ ዓይነ ለአዚና ማዕቲያ ያኦማአ ዲቆ ኑ ማዓዓኩ። 4 ጋዓንቴ ኑና ሄላ ማቶና ሄላ ባኮ ቢያ፤ ሃሃዎ አደሳ ማቶ ቢያ ገቢ ዳንዳዒሂና ያኦሲም ማዳ ዓሲ ማዒያ ቢያ ዛሎና ኑ ፔጋሲ ዔርዛኔ። 5 ያኦሲም ማዳ ዓሲ ማዒያ ኑ ዔርዛሂ፡- ዠራፓና ጳዲንቴ፣ ቱኡቴ፣ ዓሲና ዣሊ፣ ማርጌ ማዲ ለቢንቴ፣ ገንያ ዓተሂና ናይዲንቴሂናኩ። 6 ዬያጉዲ ሃሃ ጌኤሹሞና፣ ዔራቶና፣ ገቢ ዳንዳዒሂና፣ ኮሹሞና፣ ዓያና ጌኤሹ ዳዋ ጎይያ ሃንቴሂና፣ ጎኔ ናሹሞና፣ 7 ጎኔ ባኮ ከኤዚሂና ያኦሲ ዎልቁና ማዲያናኩ፤ ዔኤቢ ባሻኒ ማዕቲያ ኑ ገዳ ሙካ ባኮ ለአጋኒ ዳንዳዒሳ ዓንጋሞ ኑኡኮ ማዓሂ ዒሉሞኩ። 8 ለንቹንቴሂና ዳውሲንቴሂና ጋላቴንቴሂና ጫሽኪንቴሂና ኑ ናንጌኔ፤ ሃሃ ኑ ጎኔ ከኤዛ ዓሲታ? ሉኡዚ ዓሲ ጌይንቴኔ፤ 9 ኑ ዔርቴ ዓሲታ? ዔርቴባኦ ዓሲ ማዕኔ፤ ሃይቄኔ ኑ ጌይንቴያታ? ሃሂ ሹምፔና ኑ ዓኦኔ፤ ኑኡኒ ጳርቂንቴቴያ ኑና ዎዲቦኦኔ፤ 10 ኑና ያዩሶናያ ማዕቲያ ቢያ ዎዴ ኑ ዎዎዛዳያኩ፤ ኑ ማንቆ ዓሲታ? ማርጌሂ ኑ ያርጎቻኔ፤ ዓይነ ለአዚያ ለኦ ዓሲታ? ቢያ ባካ ኑኡሮ ማዕያኩ።

11 ዒንሂ ቆሮንቶሴይዳ ናንጋ ዓሳ! ታ ዒንሂም ፔጌና ከኤዜኔ፤ ዒና ኑኡኮ ኑ ዒንሂም ዳዊ ሃሹኔ። 12 ዒንሂ ዒንሂኮ ዒና ኑም ዳዊ ሃሹባኦፓዓቴም ኑ ዒና ዒንሂም ዳዊ ኑ ሃሹኔ። 13 ታኦኮ ዒንሂ ናኦቶ ማዕሂር ታ ዒንሂም ከኤዛሂ፡- «ዒንሂያ ዒማይዲ፣ ማርጌና ዒና ዒንሂኮ ኑም ዳዊ ሃሻንዳጉዲ» ጌይኩ።

**ኪሪሰቶሴ ጉሙርቁዎ ዓሶና ዎላ ፔቱሞ ላኦገንቴያ**

14 ኪሪሰቶሴ ጉሙርቁዎ ዓሶና ዎላ ኮይሱዎ ጎይሂና ፔቱ ማዒፖቴ፤ ዒሉሞና ጎማና ፔቱ ማዓኒ ዳንዳዓ? ፖዒና ዲማና ዎላ ዎዲ ናንጋኒ ዳንዳዓይ? 15 ኪሪሰቶሴና ዲያሎቢኦኔና ዎይቴ ዎላ ገኢጋኒ ዳንዳዓይ? ኪሪሰቶሴ ጉሙርቆ ዓሶና ጉሙርቁዎ ዓሶና ዎይቴ ፔቱ ማዓኒ ዳንዳዓይ? 16 ያኦሲኮ ጌኤዠ ማኦርና ማሌ ያኦዘናኮ ዓይነ ፔቱሞ ዓኦይ? ያኦሲ፡-

- «ታ ናንጋ ማኦር፣ ታ ዳር ባኦካ ታ ማሃንዳኔ፤
- ዔያቶና ዎላ ታ ናንጋንዳኔ፤
- ታ ዔያቶኮ ያኦዛሂ ማዓንዳኔ፤
- ዔያታኦ ታ ዳሬ ማዓንዳኔ»

6:2 6:2 ዒሲ. 49:8። 6:5 6:5 ዳኪ. ማዳ 16:23። 6:16 6:16 ሉዊ. ዓኪ 26:12፤ ሂዚ. 37:27፤ 1ቆሮ. 3:16፤ 6:19።

ጌዔሢጉዲ ኩኒሲ ባይቁዋ ያኑዛሢሞ ዲማዲ ማኣሪኬ። 17 ሃሣ ያኑሲ ከኤዛዮ፡-

«ዔያቶ ባኣካፓ ዲማዲ ከሰኩዋቴ፡

ዒኢቴ ባኩ ካኣሚፖቴ፤

ታኣኒያ ዒንሢ ታ ዓሲ ማሃንዳኔ፤

18 ታ ዒንሢኮ ዓዶ ማዓንዳኔ፤

ዒንሢ ታኣኮ ዓቲንቆና ዉዲሮ ናኣቶና ማዓንዳኔ፤

ጋዓኔ፤ ቢያ ባኣዚ ዳንዳዓ ጎዳሢ።»

# 7

1 ዓካሪ ታ ዒጊሮንሢሮቴ! ሃይ ቢያ ሃጊ ማዓንዳ ዎዛ ዒንጊንቴሢ ኑም ማዔሢሮ ዓሲኮ ዑሢና ዓሲኮ ጋሮ ዓያኖና ዒኢሳ፡ ዓይጎ ባኣዚዳፓኣ ኑ ቶኣኮ ኑ ጌኤሾም፤ ያኑሲ ዒጊጨሢሢና ዒዛም ኩኣኮ ዲማዲያ ዔርቴያ ኑ ማሆም።

## ጳውሎሴ ዎዛዳ ዎዛ

2 ዒሮ ዒንሢኮ ኑም ዳዊ ሃሹዋቴ፤ ያኣማኣ ኑ ፑርታ ማዲባኣሴ፡ ያናኣ ኑ ዳቢሲባኣሴ፤ ሃሣ ያናኣ ኑ ጌሺ ዎልቆ ሙይባኣሴ። 3 ዬያ ታ ጋዓሢ፡- «ዒንሢ ዳቤኔ» ጋዓኒ ጌይቱዋሴ፤ ዓይጎሮ ጌዔቴ ሃያኮ ቤርታ ኑ ዒንሢሞ ጌዔሢጉዲ ዒንሢ ኑ ዒናፓ ባይቁባኣሴ፤ ዬያሮ ኑ ናንጌቴያ ሃይቄቴያ ቢያ ዎይ ዒንሢና ዎላኬ። 4 ዒንሢ ታ ኮሺ ጉሙርቃኔ፤ ሃሣ ዒንሢና ታ ኮሺ ሄርሺንታኔ፤ ኑ ሜታዳኣና ቢያ ዳኤፐ ዲዲም ታ ዳንቃኔ፤ ታ ዎዛዳ ዎዛኮዎ ጋፒንሢ ባኣያኬ።

5 ሜቄዶኒያ ኑ ሄሌያናታዎ ሚርጌ ዛላና ሜታ ኑና ሄሌያፓዓቴም ሃውሺሢ ኩኣኮ ባኣያ ማዔኔ፤ ዙላ፡ ሜሌ ዓሳፓ ሙካ ባኮና ሃሣ ኑ ዒና ኑና ዒጊቻ ባኮና ኑ ሚርጌ ሜታዳኔ። 6 ጋዓንቴ ያያ ዓሶ ዲዲሻ፡ ያኣዛሢ ቲቶ ኑ ኮራ ዳኪያና ኑና ዲዲሹኔ። 7 ኑ ዲዲሢ ዒዛኮ ኑ ኮራ ሙኪያና ሌሊ ማዓባኣንቴ ዒንሢ ዒዛ ዲዲሹያ ማዔሢያ ኑ ዎይዛሢሮኬ። ሃሣ ዒንሢ ታና ጳቂሣሢያ፡ ታ ዛሎሮ ዒንሢ ያያያ፤ ጊንሣ ሃሣ ታና ሚጨንቴ ዒንሢ ማላ ማሊያ ኑም ዒ ከኤዛዛ ሚርጌና ታ ዎዛዳኔ።

8 ሃያኮ ቤርታ ታ ዒንሢም ፃኣፔ ከኢታ ዒንሢ ያይሴያ ማዔቴያ ዬያ ፃኣፒያና «ዳቤኔ» ታና ታ ጎዑዋሴ፤ ታ ታና «ዳቤኔ» ጌዔቴያ ዬይ ታ ፃኣፔ ከኢታ ዳካ ዎይሮ ሌሊ ዒንሢ ያይሴሢ ታ ዔሬኔ። 9 ሃሢ ታ ሚርጌና ዎዛዳኔ፤ ታ ዎዛዳሢያ ዒንሢ ያይሴሢሮቴዋንቴ

6:17 6:17 ዒ.ሲ. 52:11። 6:18 6:18 2ሳሙ. 7:14፤ 1ዎኦሲ. ዓሃኬ 17:13፤ ዒ.ሲ. 43:6፤ ዔር. 31:9። 7:5 7:5 2ቆሮ. 2:13።

ዲንሢኮ የዪፃ ዲንሢኮ ደቢንቶ ዲንሢኮም ዔርዘም፡ ዲንሢ ዪያፓ ማዕያታሢርኬ፤ ዓካሪ ዲንሢኮ የዪፃ ያኦሲ ማሊሢጉዲ ማዕሢር ዓይጎቶ ኑ ዲንሢኮም ፑርቲሲባኦሴ ጌይሢኬ። 10 ያኦሲ ማሊሢጉዲያ ማዕ ያዪሢ፡- ዳቁንታ ባንሢ ዔኪ ሙካ፡ ጎሜ ቡኡፃም ጊኢጊሻሢር «ዓይጋ ዪይ ማዕይ» ጌይሳያቱቆሴ። ሃያ ዓጮ ዛሎና ሙካ የዪሢ ጋዓንቲ ሃይቢ ዔኪ ሙካ። 11 ዪይ ያኦሲ ማሊያ ጉዴያ ማዕ ያዪፃ ደዲ ዲንሢ ማሊንዳጉዲና ደቢንቲባኦያ፡ ጌኤሺ ዲንሢ ማዕሢር ዔርዘንዳጉዲ ዲንሢ ማሄኔ፤ ዪያጉዲ ሃሃ ጎሜ ማዕ ባኦዚ ዲንሢ ዲፃ ማዓንዳጉዲ፡ ታ ዘሮ ዲንሢ ዲጊጩ ዔካንዳጉዲ፡ ታና ዲንሢ ጸቁሃንዳጉዲ፡ ዓያና ዓኦ ማሊሢና ፒዜ ዲንሢ ምጋንዳጉዲና ደቢንቲሢያ ዲንሢ ጎራንዳጉዲ ዲንሢ ማሄኔ። ዪያ ባኮ ቢያና ዲንሢ ጌኤሺ ማዕሢር ዲንሢ ዔርዘኔ።

12 ዓካሪ ታ ዲንሢኮም ፃኦፔሢ፡- ኑ ዛሎ ዲንሢ ማላ ማሊፃ ያኦሲ ቤርቶይዳ ጌኤሺ ማዕ ዲንሢኮም ጴዳንዳጉዲ ማዓንዳኦፓዓቲም ደቢንቲ ዓሲና ፑርታ ባኦዚ ማዲንቲ ዓሲና ዛላቱቆሴ። 13 ኑ ደዴሢያ ዪያ ዛሎናኬ።

ሃሃ ኑኡኮ ደዳማፓ ባሼ ቲቶ ምዘዳሢር ሚርጌና ኑቆ ምዘዳኔ፤ ዓይጎር ጌዔቲ ዲንሢ ቢያሢ ቲቶ ደዲሺፆና ዲዛኮ ዲኖ ሃውሺሲሢርኬ። 14 ዲንሢና ታ ሄርሺንታ ሄርሺንቶ ቲቶም ታ ኬኤዜኔ፤ ዲንሢ ታና ዪያና ቦርሲሲባኦሴ። ቢያ ምዴ ኑ ዲንሢኮም ኬኤዛ ባካ ጎኔ ባኦዚ ማዕሢጉዲ፡ ዲንሢ ዛሎ ሄርሺንቲ ቲቶም ኑ ኬኤዜ ባካ ጎኔ ማዕሢር ዔርቲ። 15 ቢያሢ ዲንሢ ዓይሢንታያታሢና ዲጊቹሞና ጎጋይቂ ዲንሢ ዲዛ ሸኦቹንሢ ዔኬሢ ዲዚ ጸቁሃኦና ዲንሢ ዲ ዑሃ ዓኦዳ ናሽካንዳጉዲ ማሄኔ። 16 ታኦኒያ ጉቤ ባኦዚና ዲንሢ ጉሙርቃኒ ዳንዳዒፆና ሚርጌ ምዘዳኔ።

# 8

## ኪሪሰቶሴ ጉሙርቃ ዓሰኮ ማኦዳሢ ዲንጊፆ

1 ታ ዲሸንሃ! ታ ሚሸንሃ! ያኦሲ ሜቄዶኒያይዳ ዓኦ፡ ኪሪሰቶሴ ጉሙርቃ ሺኢጲፆ ማኦር ዓሰም ዲንጌ ኮሹሞ ዲንጊፆ ዲንሢ ዔራንዳጉዲ ኑ ኮዓኔ። 2 ደዲ ሜታ ዔያቶ ሃሌያ ማዕቲያ ዔያታ ሚርጌና ምዘዳኔኬ፤ ሃሃ ኮሺ ዔያታ ማንቆ ማዕቲያ ኮሹሞና ዔያታ ዲንጌ ዲንጊፆ ሚርጌኬ። 3 ዔያቶም ዳንዳዒንታሢጉዲቱሞንቲ ዑሃ ዓኦሢ ፔ ናሹሞና ዔያታ ዲንጌሢ ታ ዔያቶ ዛሎ ማርካዳኔ። 4 ዪሁዳይዳ ዓኦ፡ ኪሪሰቶሴ ጉሙርቃ ዓሰ ዔያታ ማኦዳኒ ኮዒ

ሚርጌና ኑና ሺኢቄኔ፤ 5 ዔያታ ማዳ ባኮ ኑ «ዔያታ ማዳንዳያ ናንዳኔ» ጌዒ ማሌሰካፓ ዑሣኬ፤ ዔያታ ቤርታሲ ፔና ጎዳሣም ዒንጌኔ፤ ዩካፓ ገንሣ ያኦሲ ማሊያጉዴያ ፔ ቶኦኮ ኑም ዒንጌኔ።

6 ዩያ ማዳ ቤርታ ማዲሾ ዓርቄሣ ቲቶ ማዔሣሮ ሃሣ ዩይ ዒንሣ ኮሹሞና ዒንጋ ዒንጊያ ጋፒንሣ ሄሊሲ ዒ ማዲሻንዳጉዲ ኑ ዒዛ ሺኢቄኔ። 7 ዒንሣ ኪሪሰቶሴ ጉሙርቄያና ማጋም ጌሰቶ ጌኤሲና፣ ዔራቶና፣ ዓሲ ማኣዳኒ ዒንሣኮ ዓኣ ዶዶ ማሊያና፤ ሃሣ ኑና ዒንሣ ናሽካ ናሹሞና ማዔቲያ ጳኤፒ ማዳ ዒንሣ ማዳሣጉዴያ ዩያ ኮሹሞና ዒንሣ ዒንጊ ማዳ ማዳናኣ ዒንሣ ዶዳንዳጉዲ ኑ ኮዓኔ።

8 ዓካሪ ዩያ ታ ጋዓሣ ዓይሥሣ ኪኢታ ማሃቱሞሴ፤ ጋዓንቲ ማሌ ዓሳ ዶዲ ዒንጋ ዒንጊያና ዒንሣና ዎላ ቤኤዚ ዛጊ ዒንሣኮ ጎኔ ናሹሞ ዔራኒ ታ ኮዓሣሮ ጋዓኔ። 9 ዒንሣ ኑ ጎዳሣ፣ ዩሱስ ኪሪሰቶሴ ኮሹሞና ዒንጌ ጳኤፖ ዒንጊያ ዔራኔ፤ ዒዚ ሚርጌ ያርጎቲታዎ ዒንሣ ያርጎቻኒ ዒንሣ ዛሎሮ ጌዒ ማንቆ ማዔኔ።

10 ዩዮ ዛሎና ዒንሣም «ኮሺ ማዓንዳኔ» ጌዒ ታ ማላ ዘሮ ዒንሣ ታ ዘራኔ፤ ሂናኣቤሪ ዒንጊያና ሌሊቱሞንቲ ዒንጋኒ ማሊያናኣ ቤርቲ ማዔ ዓሳ ዒንሣኬ። 11 ዩያሮ ዒንሣ ዒንጋኒ ናሹሞና ዔቄ ማሊያ ማዲንቲያ ማዒ ጋፒንሣ ሄላንዳጉዲ ዒንሣኮ ዓኣ ጎይያ ዩያ ዒንሣ ማሌ ማዳ ሃሣ ማዲሞቲ። 12 ናሹሞና ዒንጋኒ ማሊሣ ዓኣቲ ዓሲኮ ዒንጊሣ ያኦሲ ቤርታ ዔውቲያ ማዓሣ ዓሣ ፔኤኮ ዓኣ ጎይያ ዒንጋዛ ማዓንዳኣፓዓቲም ባኣ ባኣዚ ዒንጋንዳኔ ጌይያናቱሞ።

13 ዩያ ታ ጋዓሣ ቢያሣ ዒንሣ ሄኮ ማዓንዳጉዲ ማዓንዳኣፓዓቲም ዒንሣ ዒንጊያና ሜቶይዳ ጌሌም ማኣዲንታ ዓሳ ሜታባኣያ ዳዓንዳጉዲ ጌይቱሞ። 14 ሃሣ ዒንሣኮ ዓኣ ባካ ዔያቶ ሜታሣ ማኣዳያ ማጋንጎ፤ ሃሣ ዒንሣ ሜታዳ ዎዶና ዔያቶኮ ዓኣ ባካ ዒንሣ ሜታሣ ማኣዳያ ማጋንጎ፤ ዩያይዲያና ዒንሣኮ ባኣካ ሄኩሞ ዓኣያ ማዓንዳኔ። 15 ዩይያ፡-

«ሚርጌ ቡኩሲ ዔኬሣም

ዑሣ ዓኣዳ፣ ዲቢባኣሴ፤

ዳካ ቡኩሲ ዔኬሣማኣ

ፓጩ፣ ዳኪባኣሴ» ጌይንቲ ፃኣፒንቲሣጉዲኬ።

**ቲቶኮ ቆርንቶሴ ዳኪንቲያ**

16 ታ ዒንሣም ማላሣጉዲ ቲቶሞ ዒንሣም ማላንዳጉዲ ማሃ ያኦዛሣ ጋላቲንቶጎ። 17 ሃሣ ቲቶ ዒንሣ ኮራ ዳንዳሣ ፔኤሮ ናሽኪኬ፤ ኑ ዒዛ ዳንዶም ሺኢቃሣሮ ሌሊቱሞ። 18 ኮዦ ሃይሶ

ከኤዚያና ኪሪሰቶሴ ጉሙርቃ ዓሶ ሺኢጲያ ማኣሮይዳ ቢያ ዓርቲ፣  
 ዒሻሢ ዒዛና ዋላ ኑ ዳካንዳኔ።<sup>19</sup> ዒዚ ዬይ፣ ዒሻሢ ኑኡኒ ዬያ ኮዦ  
 ማደ ጎዳ ቦንቾም ማዳእና፤ ሃሣ ኑ ማዳኒ ናሹምና ዔቃእና ኑኡና ዋላ  
 ዒ ዓኣዲ ማዳንዳጉዲ ሺኢጲያ ማኣሮ ዓሳ ዒዛ ዶኔሬያኔ።<sup>20</sup> ዬያ  
 ዒንጎና ሚኢሾ ዓርቂ ማደይዳ ኑ ፔኤሻ ዋዶና ኑ ዶንኪንቲዋጉዲ  
 ኮሺ ኑ ሂርጊ ካፓኔ።<sup>21</sup> ዓይጎር ጌዔቲ ማሊያ ኑኡኮ ጎዳ ቤርታ  
 ሌሊቱዋንቲ ዓሲ ቤርቲዳኣ ኮሺ ማዔ ባኣዚ ማዳኒ ታሢሮኔ።  
<sup>22</sup> ሚርጌ ዋዶ ሚርጌ ባኣዚና ጉሙርቂንታያ ማዒያ ዛገንቲም  
 ዶዲ ማዒ ጴዳ፣ ዒሻሢያ ቲቶንሢና ዋላ ኑ ዳከሢ ዬያርከ፤ ዒዚ  
 ዒንሢ ሚርጌና ጉሙርቃሢሮ ሃሢ ዒንሢ ዒ ማኣዳኒ ዶዲ ማላ  
 ማሊያ ኮሺ ዶኤፒኔ።<sup>23</sup> ቲቶ ዛሎ ዔራኒ ያኤጫ ዓሲ ዓኣቲ ዒዚ  
 ዒንሢ ማኣዳኒ ታእና ዋላ ማዳ ታኣኮ ላጌከ፤ ዒዛና ዋላ ዒንሢ  
 ኮይላ ሙካንዳ ዒሾንሢ ዛሎ ማዔቲ ዔያታ ኪሪሰቶሴ ጉሙርቃ  
 ዓሶ ሺኢጲያ ማኣሮይዳፓ ዳኪንቲያ፣ ኪሪሰቶሴ ቦንቾሳያኔ።  
<sup>24</sup> ዬያር ዒንሢ ዔያቶ ናሽካያ ማዒያ ፔጋሲ ዔርዙዋቲ፤ ሃንጎ፣  
 ኪሪሰቶሴ ጉሙርቃ ሺኢጲያ ማኣሮ ዓሳ ዬያ ዔርንጎ፤ ኑኡኒያ  
 ዒንሢና ሄርሺንታኔ።

# 9

## ኪሪሰቶሴ ጉሙርቃ ዓሶ ማኣዳኒ ከሶና ሚኢሾ

<sup>1</sup> ዪሁዳ ዓጮይዳ ዓኣ፣ ኪሪሰቶሴ ጉሙርቃ ዓሶ ማኣዳኒ ዒንሢ  
 ከሴ ሚኢሾ ዛሎ ታ ዒንሢም ፃኣፓንዳያ ኮይሱዋቤ፤<sup>2</sup> ዒንሢ  
 ዓካይያይዳ ዓኣ ዓሳ ሜሌ ዓሲ ማኣዳኒ ዒንሢኮ ኮሺ ማሊሢ  
 ዓኣሢ ታ ዔራሢሮ «ዓካይያይዳ ዓኣ ዓሳ ሂናኣ ቤራፓ ዓርቃያ  
 ሜሌ ዓሲ ማኣዳኒ ገኢገንቲ ዓኣያኔ» ጌዒ ታ ሜቄዶኒያ ዓሶም  
 ጫርቂ ከኤዜኔ፤ ዒንሢኮ ኮሺ ማሊሢና ዔቂ ማዳ፣ ሜሌ ዓሶ  
 ኮሺ ማዳንዳጉዲ ጴቹኔ።<sup>3</sup> ዓካሪ ኑ ዒንሢና ሄርሺንቲ ጌዔ ጌኤዛ  
 ጉሪ ማዐዋጉዲ ሃንሢ ዒሾንሢ ታ ዒንሢ ኮይላ ዳከኔ፤ ዒንሢያ  
 ታ ዒንሢም ቤርታ ከኤዜሢጉዲ ገኢገንቲ ካፑዋቲ።<sup>4</sup> ሜቄዶኒያ  
 ዓሳ ታኣና ዋላ ዒንሢ ኮይላ ሙካ ዋዶና ዒንሢ ገኢገንቲባኣያ  
 ማዒ ዓኣንቲ ዴንቄቲ ኑ ዒንሢና ሄርሺንቲ ከኤዜ ባኮና ኑናንታ  
 ዒንሢንታ ዋላ ቦርሲንታንዳኔ።<sup>5</sup> ዬያር ዒንሢ ዒንጎንዳኔ ጌዒ ናኣሴ  
 ባኮ ቤርታዲ ዒንሢ ገኢገሻንዳጉዲ ዒንሢም ጳቂሢ ከኤዜም  
 ጌዒ ሃንሢ ዒሾንሢ ቤርታሲ ዒንሢ ኮይላ ዔያቶ ሺኢቂ ዳካኒ  
 ኮይሳያታሢ ታ ዔሬኔ፤ ዬያይዴም ታኣኒ ሙካ ዋዶና ዒንሢ ዒንጎኒ

8:21 8:21 ኮኣኪ. 3:4።

ጌዔ ባካ ዲንገንቲ ገሊጌያ ማዓንዳኔ፤ ዲንሢ ዲንጋሢያ ዓሲ ዋልቃዴምቱዋንቲ ናሹሞና ዲንጋያ ማዓዳኦ ዔርታንዳኔ።

6 «ዳካ ዜርሢ ዜርቁሢ ዳካ ሃኦኮ ዔካንዳኔ፤ ሚርጌ ዜርሢ ዜርቁሢ ሚርጌ ሃኦኮ ቡኩሲ ዔካንዳኔ» ጌይንቲሢ ጳቂሡዋቲ።

7 ያኦሲ ናሽካሢ ዋዛና ዲንጋ ዓሲ ማዔሢር ፔቲ ፔቲሢ ዲንጋኦና ፔ ዒና ናሽኬሢሢ ዳካ ማዓንዳኦጋቲም «ዓይጎር ታ ዲንጋይ?» ጌዒ ጌዒ ዓሲ ዲንጎም ጌዒ ዋልቃዴም ዲንጎ። 8 ዲንሢ ሲያ ዋዴ ኮይሳ ባኦዚ ሲያ ዴንቁ፣ ኮሺ ማዶ ሲያ ማዶንዳጉዲ ዓንጆ ዲንሢም ያኦሲ ዲንጋኒ ዳንዳዓኔ፤ 9 ዩይያ፡-

«ማንቆ ዓሰም ኮሹሞና ዒዚ ዲንጌኔ፤

ዒዛኮ ኮሹማ ናንጊና ናንጋኔ»

ጌይንቲ ያኦፒንቲሢጉዲኬ።

10 ዜርሢ ዜርቁሢም ዜርሢ፤ ሃሃ ዓሲ ሙዓንዳጉዲ ሙኦዚ ዲንጋ ያኦዛሢ ዲንሢ ዜርቃንዳ ዜርቃ ሚርጌ ዲንሢም ዲንጋንዳኔ፤ ዲንሢ ዲንጋሢኮዋ ዓኦፖ ዒ ሚርጊሻዳንዳኔ። 11 ዲንሢ ኮሹሞና ዲንጋ ባካ ኑ ዛሎና ዔያቶም ሄላ ዓሳ ሲያ ያኦሲ ጋላታንዳጉዲ ሃሃ ሲያ ዋዴ ኮሹሞና ዲንሢ ዲንጋንዳጉዲ ያኦሲ ሲያ ባኦዚና ዲንሢ ያርጎቻንዳኔ። 12 ዩይ ዲንሢ ዲንጊያና ማዳ ማዳ ኪሪሰቶሴ ጉሙርቃ ዓሰኮ ሜታሢ ሼሌዒሳያ ሌሊቱዋንቲ ያኦሲ ሚርጌና ዔያታ ጋላታንዳጉዲ ማሃኔ። 13 ዩይ ማዳ ዲንሢኮ ዲንሢ ኪሪሰቶሴኮ ኮኩ ሃይሶ ዋይዚ ዔኪ ዓይሢንቲሢሮና ዔያቶና ሜሊዞንሢናም ዲንሢኮ ዲንጊያ ዔርቲያ ማዔሢር ሲያሢ ያኦሲ ጋላታንዳኔ። 14 ዔያታ ያኦሲ ዲንሢም ዲንጌ፣ ዑሣ ዓኦጆ ዴኤፒ ማዔ ኮሹሞ ዲንጊያ ዛሎና ዲንሢ ጳቂሢሢር ዲንሢም ዔያታ ማዔ ኮሹሞ ዲንጊያ ዛሎና ዲንሢ ጳቂሢሢር ዲንሢም ዔያታ ሽኢቃንዳኔ። 15 ዓሲ «ሃማኬ» ጌይ ኬኤዛኒ ዳንዳዑዋ ያኦሲኮ ዲንጊያር ዒዚ ጋላቲንቲያ ማዖንጎ።

# 10

## ጳውሎሴ ዲዛ ደንካ ዓሰም ማሂ ኬኤዜ ባኮ

1 ዲንሢ ኮይላ ዓኦፖ «ሴልቃያ»፤ ዲንሢ ኮይላፓ ሃኪ ዴንዳዖ ጋዓንቲ «ጫርቃያ» ጌይንቲሢ፣ ታኦኒ ጳውሎሴ ኪሪሰቶሴኮ ኮሹሞና ሼሌዑሞና ማዒ ታ ዲንሢ ሽኢቃኔ፤ 2 ታ ዲንሢ ሽኢቃሢ ዲንሢ ኮራ ታ ሙኬ ዋዶና ዩይያዲ ጫርቁ ጌሰታንዳጉዲ ታና ማሃፖቲ ጌይኬ፤ ዓሲ ማሊሢና ኑ ሃንታያ ማሂ ኑና ፓይዳ፣ ፔቲ ፔቲ ዓሰ ቤርታ ጋዓንቲ ጫርቁ ጌሰታኒ ታ ማላኔ። 3 ዋዚ

9:9 9:9 ዓይኑ. 112:9:። 9:10 9:10 ዓሲ. 55:10:።

ኑ ሃያ ዓጩ ናንጋያ ማዕቲያ ኑ ያልታሠረ ሃያ ዓጩ ዓሳ ያልታ ጎይታቸዋሉ። 4 ኑኡኮ ያሎ ዓንጋማ ያሎሮ ከልቂ ዴያና ከኤሎ ደይሳኒ ዳንዳዓ፣ ያኡሲ ዋልቂ ዓኣ፣ ዓንጋሞ ማዕንዳኣጋዓቲም ሃያ ዓጩ ያሎ ዓንጋሞጉዲቱዋሉ። 5 ዓሲ ያኡሲ ዔሩዋጉዲ ሉኡዙሞና ማርሞ ማርማሢንታ ያቶርሞ ማሊያዋ ጉቤ ኑ ባይዛንዳኔ፤ ዓሲኮ ማሊያ ጉቤ ኑ ዲዒ ዲዒ ኪሪሰቶሴም ዓይሢንታንዳጉዲ ማሃኔ። 6 ዒንሢኮ ዓይሢንቲፃ ጎኔ ማዕሢ ኑ ዔሬሢኮ ጊንፃ ዓይሢንቲ ዒፃ ባኣዚ ዓይጎዋ ጉቤ ኑ ፑርታና ዋጋኒ ጊኢጌኔ።

7 ዒንሢ ዛጋሢ ፔጌና ጴዳ ባኣዚ ሌሊከ፤ ዓይጎ ዓሲያ ታኣኒ ሌሊ ኪሪሰቶሴርኬ ጌዒ ጉሙርቃቶ ፔና ጊንሣ ሸርሺ ዛጎንጎ፤ ኑኡኒያ ዒዛጉዲ ኪሪሰቶሴር ማዕሢ ዔሮንጎ። 8 ጎዳ ኑም ዒንጌ ቢታንቶና ሚርጌና ታ ሄርሺንቲቲያ ታና ቦርሱዋሉ፤ ዋይቲ ጌዔቲ ዬይ ቢታንታ ኑም ዒንጊንቲሢ ዒንሢኮ ጉሙርቂያ ዶዲሻኒ ማዕንዳኣጋዓቲም ባይዛኒቱዋኣሢሮከ። 9 ታኣኮ ከኢታ ታ ዒንሢ ዒዒጊቻኒ ከኤዛያ ማሎጋ። 10 ፔቲ ፔቲ ዓሳ «ጳውሎሴኮ ከኢታ ዴኤፃያ ሃሣ ደዲከ፤ ጋዓንቲ ዒዛ ኑ ዛጋኣና ዑፃ ላኣጋ፣ ጌኤዛኣ ዒዛኮ ጋሡዋያከ» ጋዓያ ናንዳኔ። 11 ዬኖ ጋዓ ዓሳ ዒንሢዳጋ ሃኬ ዓኣፃ ኑ ፃኣጋ ከኢቶና ዒንሢ ኮይላ ዓኣፃ ኑ ማዳ ማዶናኮ ባኣካ ዲሙሞ ባኣያታሢ ዔሮንጎ።

12 ኑኡኒ ጋዓንቲ ፔ ቶኣኮ ጋላታ ዓሶና ኑና ዋላ ፔቲ ማሃኒ፣ ሃሣ ጊንሣ ቤኤዚ ዛጋኒ ፔቲታፃ ኑ ማሊሢዳ ባኣሴ፤ ዔያታ ፔና ፔኤና ቤኤዚ ዛጋሢሮ ዔያቶኮ ዒና ባኣያከ። 13 ኑኡኒ ጋዓንቲ ፔቶ ዑሣ ዓኣዴ ሄርሺንቲዋሉ፤ ኑኡኒ ሄርሺንታሢ ያኡሲ ኑና ማዶንጎ ጌዔማ ጎይፃ ዴንዲ ዒንሢ ሄላንዳኣና ማዴ ማዶናከ። 14 ዒንሢ ሃሢ ዓኣሢ ኑ ማዶንዳጉዲ ጌይንቲ ቤዘይዳ ማዕሢሮ ኪሪሰቶሴኮ ኮኸ ሃይሶ ከኤዛኒ ኑ ዔኪ ዒንሢ ኮይላ ሙኬ ዋዶና ያጋ ኑ ዑሣ ዓኣዲባኣሴ። 15 ዬያሮ ያኡሲ ኑም ጌዔ ቤዛጋ ኑ ዓኣዲ ሜሌ ዓሲ ማዴ ማዶና ኮይሱሞ ጎይሢ ዑሣ ዓኣዴ ኑ ሄርሺንታዓ፤ ጋዓንቲ ዒንሢኮ ጉሙርቂያ ዶደንዳጉዲና ኑኡኮሞ ማዳ ያኡሲ ኑም ዒንጌ ቤዙ፣ ዒንሢ ባኣካ ባሼና ዳልጋንዳኔ ጌዒ ሃጊ ማዕንዳ ዋዛ ኑ ጌሣኔ። 16 ዓካሪ ሜሌ ዓሳ ማዴ ቤዘይዳ ጌሊ፣ ቤርታ ማዲንቲ ማዶና ሄርሺንቲዋዎ ዒንሢኮ ዙላ ዓኣ ዓጮም ኮኸ ሃይሶ ኑ ከኤዛኒ ዳንዳዓኔ።

17 ጋዓንቲ «ሄርሺንታሢ ጎዳና ሄርሺንቶንጎ።» 18 ዓይጎሮ ጌዔቲ ዓሲ ጋላቲንቲያ ማዕኒ ዳንዳዓሢ ያኡሲ ዒዛ ጋላቲቲ ማዕንዳኣጋዓቲም ፔና ፔኤሮ ዒ ጋላቲቲቱዋኣሢሮከ።

---

10:17 10:17 ዓ.ር. 9:24::

# 11

## ጳውሎስና የኦሲ ማዶም ዳኪንቴኔ ገይ ሉኡቃዞንሢና

1 ዳካ ዔኤያቶና ታ ጌሰታ ባኮ ዒንሢ ገቢ ዳንዳዓንዳጉዲ ታ ኮዓኔ፤ ጎኔከ፡ ዒንሢ ዳንዳዒ ዳንዳዒኬ። 2 የኦሲ ዒንሢ ናሽከ፡ ዒዛም ሌሊ ዒንሢ ማዓንዳጉዲ ኮዓሢጉዲ ታኣኒያ ዒማዲ ማላኔ፤ ታ ያዲዲ ማላሢ ፔቴ ኩሙሢ ዉዳሮ ናይጉዲ ፔቴ ዓቲንቁም ታ ዒንሢ የኦጩሢሮኬ፤ ዬይ ዓሢያ ኪሪሰቶሴኬ። 3 ሾኦሽ ሂቀኣና ጩንጩምና ጌሽ ዳቢሴሢጉዲ ጎየንቴ ዒንሢኮቀ ማሊያ ፑርቴም ኪሪሰቶሴም ዒንሢኮ ዓኣ ፒዙምና ጌኤሹምና ዒንሢ ሃሻንዳያናንዳኔ ገይ ታ ሂርጋኔ። 4 ዓይጎር ጌዔቴ ፔቴ ዓሲ ዒንሢ ኮይላ ሙኪ ኦኡኒ ዒንሢም ከኤዜ ዬሱሴቴቀንቴ ማሌ ዬሱሴ ዒንሢም ከኤዜቴ ሃሢ ዒንሢ ቤርታ ዔኬ ዓያዶይዳገ ማሌ ዓያና ዒንሢ ዔኬቴ ገንሢ ሃሢ ቤርታ ዒንሢ ዋይዚ ዔኬ ኮዦ ሃይሶይዳገ ማሌ ዋይዚ ዒንሢ ዔኬቴያ ዬያ ዒንሢ ዚቲዮ ገይ ዛዛጋኔ። 5 ጋዓንቴ ታኣኒ ዬንሢ «የኦሲ ማዶም ዳኪንቴ ዴኤፖ ዓሶ» ገይንታ ዓሶይዳገ ዓይጎናኣ ሃታያ ታኣም ማሉቀሴ። 6 ዬና ዓሳ ጌኤታሢጉዲ ሃይሴ ማዢ ታ ጌሰቲባኣቴያ ዔራቶ ታኣኮ ናንገኬ፤ ዬያ ማርጌ ዋዴ፡ ማርጌ ባኣዚና ፔጋሲ ኦ ዒንሢም ዳዌ።

7 ታኣኒ የኦሲኮ ኮዦ ሃይሶ ማኢሽ ዔኩቀኣዖ ዒንሢም ከኤዚያና፡ ሃሢ ዒንሢ ዴጊዳኒ ታ ቶኦኮ ሂርኪሲያ ታኣኮ ጎሜ ማዔኔ ገይሢዳ? 8 ዒንሢም ማዳኒ ኪሪሰቶሴ ጉሙርቃ ሃንጎ ሺኢጲያ ማኣሮ ዓሶይዳገ ማኣዳሢ ታ ዔኪያና ታ ዔያቶ ቡሬኔ። 9 ዒንሢና ዋላ ታ ዓኣንቴ ሜታሢ ታና ሄሌ ዋዶና ማቁደኒያገ ሙኬ ዒሾንሢ ታኣም ኮይሳ ባኮ ዒንገ ማኣዳያ ማዔሢሮ ዖናኣ ታ ሜታሲባኣሴ፤ ሃኖ ሄላንዳኣና ዓይጎ ባኣዚናኣ ታ ዒንሢ ሜታሲባኣሴ፤ ሴካ ሃጋ ቤርታኣ ታ ዒንሢ ሜታሲንዲቀሴ። 10 ኪሪሰቶሴኮ ጎኩማ ታጊዳ ዓኣሢሮ ታ ጩርቁ ጌሰቲቀጉዲ ዓካይያ ዓጩይዳ ታና ላኣጋኒ ዳንዳዓይ የኦኒያ ባኣሴ። 11 ዬያ ታ ጋዓሢ ዓይጎርዳይ? ታ ዒንሢ ናሽኩቀኣሢሮዳ? የኦሲ ዔራሢጉዲ ታ ዒንሢ ናሽካኔ።

12 ዬያታ ሃንጎ የኦሲ ማዶም ዳኪንቴ ዓሳ፡ «ኦኡኒያ ጳውሎስንሢጉዲ ማዳኔ» ገይ ገይ ሄርሺንታ ባኮ ዔያቶ ሃሺሳኒ ሃሢ ታ ማዳ ጎይያ ሃገ ሴካኣ ማዳንዳኔ። 13 ዬኖጉዴ ዓሳ ኪሪሰቶሴ ማዶም ዳኪንቴያ ፔና ማሊሻኒ ኮዓያ፡ ሉኡዙምና የኦሲ ማዶም ዳኪንቴያ ማላ ጌሺ ማዳ ዓሲኬ። 14 ዬይ ዲቃሢ ሄርሺሳ

---

11:3 11:3 ማዢ. ማ9 3:1-5፤ 13:። 11:9 11:9 ፒልጲ. 4:15-18:።

ባአዚቱዋሴ፤ ዋይቲ ጌዔቲ ፃላሄታዎ ፔና ፖዎ ከኢታገኛ ማሃኒ ዲማ ዲማ ጎይሢና ፔና ላኣማኔ። 15 ዬያሮ ፃላሄም ማዳ ዓሳ ዪሉሞና ማዳያ ማሊሲ ፔና ዲማ ዲማ ጎይሢና ላኣማኔያ ዲቃሢ ሄርሺሳያቱዋሴ፤ ጋፒንፃ ዔያታ ማዳ ማዳ ዛሎ ፔኤኮ ዳንቃንዳኔ።

**ጳውሎሴ ፔና ሄሌ ማታሢ ጫርቂ ኬኤዘሢ**

16 «ዓይጎ ዓሲያ ታና ዔኤያኮ ጎዖፓ» ጌይ ላሚ ታ ኬኤዘኔ። ታ ዒንሢም ዔኤያ ማሊ ዳዳቲያ ዳካ ታ ጫርቂ ጌሰታንዳጉዲ ዔኤያ ማሃ ታና ፓይዲዋቲ። 17 ሃያይዲ ታ ጫርቂ ጌሰታሢ ጎዳ ማሊያጉዲቱዋንቲ ዔኤያ ማዒኬ። 18 ሚርጌሢ ሃያ ሳዎ ባአዚና ሄርሺንታሢሮ ታኣኒያ ሄርሺንታንዳኔ። 19 ዒንሢ ጪንጫ ማዔሢሮ ዔኤያ ዓሶ ባኮ ዛጌዎ ገባኔ። 20 ዬያጉዲ ያኣኒያ ዒንሢ ዓይሌ ማሄቶ፣ ቡሪ ዒንሢ ባኮ ዔኬቲ፣ ዒንሢ ጌሹቲ፣ ዒንሢ ያቶርቂ ጌሰቲቲ፣ ያኣኒያ ዒንሢ ባዔቲ ዘቲ ጌዒ ገቢ ዒንሢ ዳንደዓንዳኔ። 21 ዋዚ ታና ቦርሳያ ማዔቲያ ዒንሢጉዲ ገቢ ዳንደዒያና ኑ ደዲ ማዒባኣሢ ታ ዒንሢም ኬኤዘኔ።

ጋዓንቲ ያኣኒያ ሄርሺንታኒ ጫርቃቶ ታኣኒያ ዒዛጉዲ ጫርቂ ሄርሺንታንዳኔ፤ [ዬያ ታ ጋዓሢ ሃሢ ዔኤያጉዲ ማዒኬ።] 22 ዔያታ፣ ዬና ዓሳ ዔብሬ ዓሲዳ? ታኣኒያ ዔያቶጉዲኬ፤ ዔያታ ዒሰራዔኤሌ ዓሲዳ? ታኣኒያ ዔያቶጉዲኬ፤ ዔያታ ዓብራሃሜ ዜርሢዳ? ታኣኒያ ዔያቶጉዲኬ። 23 ዔያታ ከሪሰቶሴም ማዳ ዓሶዳ? ታኣኒ ዔያቶይዳፓ ባሽ ከሪሰቶሴም ማዳያኬ፤ [ዬያ ታ ጋዓሢ ዣኣሹሞጉዲኬ።] ታኣኒ ሚርጌ ዋዴ ማዳና ላቤኔ፣ ሚርጌ ዋዴ ታ ቱኡቲኔ፣ ሚርጌ ዋዴ ዠራፓናኣ ታ ጳርቂንቲኔ፣ ሚርጌ ዋዴ ሃሃ ታ ሃይቄዎ ዓቲ ዓቲ ዓኣሄኔ። 24 ዓይሁደ ዓሳ ዠራፓና ሃይሢታሚ ታዘጳ ጳዲ ደንጎ ማይንቲ ታና ጳርቂኔ፤ 25 ሃይሢ ማይንቲ ኮኣሎና ታ ጳዲንቲኔ፣ ፔቲና ሹቻ ታ ዲይንቲኔ፣ ሃይሢ ማይንቲ ዋኣሢ ካኣሚሌይዳ ሜታ ታና ሄሌኔ፣ ፔቲ ኬሊ ዲሚና ሮኦሪና ቢያ ዋኣሢዳ ታ ዋርቂ ፔኤቂኔ፤ 26 ሚርጌ ዋዴ ታ ጎይሢ ሃንቲሢና ሜታዳኔ፤ ዬያይዳ ዋርዚ ኩሚ ታና ሙዔዎ ዓቲኔ፣ ቡላንታ ታ ዒጊኖ ዓይሁደ ዓሶንታ ዓይሁደ ማዒባኣ ዓሳኣ ታና ዋዴዎ ዓቲኔ፣ ካታሞና ካዮና ዳኤፖ ባዘናይዳ ታ ሃይቄዎ ዓቲኔ፤ ሃሃ ሉኡዙሞና ከሪሰቶሴ ጉሙርቃኔ ጋዓ ዓሳ ታና ዋዴዎ ዓቲኔ። 27 ሚርጌ ታ ላቢ ማዲ ሜቶ ዛጌኔ፣ ሚርጌ ዋዴ ገንዎ ታ ዓቲኔ፣ ናይዚና ዋኣሢ ዴኤቢና ታና

11:23 11:23 ዳኪ. ማዳ 16:23። 11:24 11:24 ላሚ. ዋሞ 25:3። 11:25 11:25 ዳኪ. ማዳ 16:22፤ 14:19። 11:26 11:26 ዳኪ. ማዳ 9:23፤ 14:15።

ሜታሴኔ፣ ሚርጌ ዋዴ ሙኡዚ ባይቁም ታ ሜታዳኔ፣ ሚርጌ ዋዴ ጨኢሺና ካሉሞና ታና ሜታሴኔ። 28 ጋዓንቴ ሜሌ ዓቴ ባኮይዳፓ ባሽ ቢያ ኬሊ ታና ሜታሴሢ ኪሪሰቶሴ ጉሙርቃ ሺኢጲያ ማኦር ዓሶ ዛሎኬ። 29 ፔቴ ዓሲ ላባኣና ታ ዒዛና ዋላ ላባኔ፤ ሃሃ ፔቴ ዓሲ ባጋሢ ጳቢሲ ጎሚይዳ ጌልዜቴ ሚርጌና ታ ዳጋዳኔ።

30 ሄርሺንቴ ጌሰቲሢ ኮይሳያ ማዔቴ ታኣኒ ሄርሺንታሢ ታ ላቤያ ማዒያ ዳዋ ባኮንሢናኬ። 31 ኑ ጎዳሢ፣ ዩሱሰ ኪሪሰቶሴኮ ዓዶ ማዔ ያኦዛሢና ናንጊና ጋላቲንቴያ ማዖም፤ ታ ሉኡቂ ኬኤዙዋኣሢ ዒ ዔራራ። 32 ደማሰቆ ካታሞይዳ ታ ዓኣ ዋዶና ካኣቲ ዓሬታሴኮ ደማ ማዒ ደር ዋይሃሢ ታና ዓርቃኒ ኮዒ ካታሞ ጌላ ካር ካር ካፓ ዓሶና ካፒሳኔ። 33 ጋዓንቴ ሹጮና ኬልቂ ኮሻና ዲሮኮ ፑልታና ዓሳ ታና ሮኦጮና ኬይሴም ታ ዒዛይዳፓ ቶሊ ዓቴኔ።

# 12

## ጳውሎሴም ያኦሲ ፔጋሲ ዳዌ ባኮ

1 ታኣኒ ሄርሺንቴ ጌሰታንዳኔ፤ ጋዓንቴ ዩይ ፓሃ ባኣዚቱዋሴ፤ ሃሢ ታኣኒ ጎዳ ታና ፔጋሲ ዳዌ ባኮና፤ ሃሃ ታኣኒ ዛጌ ባኮዋ ኬኤዛንዳኔ።

2 ፔቴ ኪሪሰቶሴ ጉሙርቃ ዓሲሰኬያ ታ ዔራራ፤ ዩይ ዓሢ ታጳ ያይዶ ለዔኮ ቤርታ ጫሪንጮኮ ዑፃ ዓኣ ጫሪንጮ ዔውቲ ዓኣዳኔ፤ [ዩይ ዓሢ ዔውቲሢ ዑፃ ዒዛኮ ዩማዲ ዓኣንቴሞ ባኣንቴሞ? ታ ዔራቀሴ፤ ያኦሲ ዔራራ።] 3 ጎኔ ዩይ ዓሢ፣ ዑፃ ዒዛኮ ዩማዲ ዓኣንቴሞ ባኣንቴሞ? ታ ዔራቀሴ፣ ያኦሲ ዔራራ፤ 4 ጋዓንቴ ዩይ ዓሢ ጌኔቴ ጌይንታ ቤዞ ዔውቲሢ ታ ዔራራ፤ ዒኢካ ዒዚ ዓሲ ፔጋሲ ኬኤዛኒና ጌሰታኒ ዳንዳዑዋ ባኣዚ ዋይዜኔ። 5 ዩያጉዴ ዓሢ ዛሎና ታ ሄርሺንታኔ፤ ታ ታ ዛሎ ጋዓንቴ ታኣኮ ላቤያ ማዒያና ሄርሺንታኔ፤ ሜሌ ሄርሺንታ ባኣዚ ባኣሴ። 6 ታ ሄርሺንቴ ጌሰታኒ ኮዔቴታዖ ያኦኒያ ታና ዔኤያኬ ጎፆ፤ ዓይጎር ጌዔቴታ ኬኤዛሢ ጎኔ ባኣዚኬ። ጋዓንቴ ዓይጎ ዓሲያ ታ ዛሎ ዛጋ ባኮና ዋይዛ ባኮናይዳፓ ዑሃ ዴኤፒሲ ኬኤዙዋጉዲ፣ ሄርሺንቴዖ ታ ሃሻኔ።

7 ዩንሢ ታኣም ጴዴ፣ ዴኤፖ ባኮንሢ ዛሎና ታ ያቶርቁዋጉዲ ታኣኮ ዓሽኮ ዓንጊሢጉዲ ጫርጋ ባኣዚ ታኣም ዒንጊንቴኔ፤ ዩይ ፃላሃኮ ኪኢታንቻ ማዒ ታና ሜታሴም ታ ያቶርቁዋጉዲ ታኣም ዒንጎናያኬ። 8 ዩይ ታና ሜታሳ ባካ ታጊዳፓ ባይቃንዳጉዲ ጎዳ ሃይሢ ማይንቴ ታ ሺኢቄኔ፤ 9 ጋዓንቴ ዒዚ፡- «ታኣኮ ዋልቃ ጴዳሢ ኔኤኒ ላቢንቴ ዋዶና ማዔሢር ታ ዒንጌ ኮዦ ዒንጊያ

11:33 11:33 ዳኪ. ማዶ 9:23-25።

ኔኤም ገዳንዳኔ» ታኣም ጌዔኔ፤ ዩያሮ ኪሪሰቶሴኮ ሞልቃ ታገዳ ማዓንዳጉዲ ዑሣ ዓኣዴ ታ ሞዛዲ ሞዛዲ ታ ላቢያና ታ ሄሪሽንታኒ ኮዓኔ። 10 ሞልቁ ታኣኒ ዳንቃሢ ታኣኒ ላቤ ሞዶና ማዔሢሮ ኪሪሰቶሴ ዛሎ ታ ላቢንታኣና፣ ጫሽኪንታኣና፣ ማታዳኣና፣ ዒዲንቲ ዳውሲንታኣና፣ ካራ ባይዚ ታ ሃንታኣና ቢያ ታና ሞዞዛሳኔ።

**ጳውሎሴ ቆሮንቶሴ ዓሶ ዛሎ ማታዲ ማሌ ማሊያ**

11 ታኣኒ ዩያ ጌሰቲያና ዔኤያ ማዔኔ፤ ያዲ ታ ጌሰታንዳጉዲ ማሄሢ ዒንሢኬ፤ ታና ጋላታንዳያ ዓቴሢያ ዒንሢኬ፤ ዓይጎሮ ጌዔቴ ታኣኒ ዓሲ ጌይንቱሞ ዓሲ ማዔቴያ፡- «ያኦሲ ማዶም ዳኪንቲ፣ ዴኤፖ ዓሶ» ጌይንታ ዓሶይዳፓ ታ ሃታያቱሞሴ። 12 ታኣኒ ዒንሢ ባኣካ ዓኣ ሞዶና ያኦሲ ማዶም ጎኔ ዳኪንቲ ዓሲ ማዒያ ዔርዛ ባኣዚ ገቢ ዳንዳዒሢና ማዴ ባካ ዳማ ዳማ ማላታ፣ ዲቃሣ ባኣዚንታ ያኦሲ ሞልቁና ማዲንታ ዓኮ ባኮንታኬ። 13 ዒንሢ ታ ሜታሱሞ ሃሼማፓ ዓታዛ ሃንጎ ኪሪሰቶሴ ጉሙርቃ ሺኢጲያ ማኣሮ ዓሶይዳፓ ዓይጎና ታ ዒንሢ ዳኪሴይ? ዩይ ታኣኮ ዳቢንቲ ማዔቴ ታኣም ዓቶም ጎዑሞቴ።

14 ዒንሢ ኮይላ ታ ሙካንዳኔ ጌይ፣ ገኢገንቲ ገኢገንቲ ዓታንቲ ሃሮ ሃይሣሲኬ፤ ታቴያ ታ ዒንሢ ሜታሳኒ ኮዑሞሴ፤ ዓይጎሮ ጌዔቴ ታ ኮዓሢ ዒንሢ ማዓንዳኣፓዓቴም ዒንሢኮ ሚኢሾቱሞኣሢሮኬ። ናይም ሚኢሾ ቡኩሳሢ ሾዔ ዓሶ ማዓንዳኣፓዓቴም ናኣታ ሾዔ ዓሶም ሚኢሾ ቡኩሱሞሴ። 15 ታኣኒ ጋዓንቲ ዒንሢ ዛሎሮ ታኣኮ ዓኣ ባኮ ቢያ፣ ሃሣ ገንሣ ታና ዓኣሢ ታ ዒንጌቴ ታኣም ቃራኬ፤ ዓካሪ ታ ዒንሢ ዩያይዲ ሚርጌና ናሽካዛ ዒንሢ ታና ዩማይዲ ዳካና ናሽካኔ ጌይሢዳ?

16 ዩይ ያዲ ማዔቴያ ታ ዒንሢ ሜታሳዓኬ፤ ጋዓንቲ ፔቴ ፔቴ ዓሳ ጋዓሢጉዲ ፑርታ ማሊሢና ጌሺ ታ ዒንሢ ዓርቂያ ማሉሞ ዓታዓ! 17 ታ ዒንሢ ኮይላ ዳኬ ዓሶይዳፓ ፔቴሢ ዛሎናታዎ ታ ዒንሢ ቡሪያ? 18 ቲቶ ዒንሢ ኮይላ ዓኣዳንዳጉዲ ታ ሺኢቄ፤ ፔቴ ኑ ዒሻሢያ ዒንሢ ኮይላ ዒዛና ሞላ ታ ዳኬኔ፤ ሂዳዎ ቲቶ ዒንሢ ዒማና ቡሪያ? ታኣና ዒዛና ዒንሢም ማዴሢ ፔቴ ማሊሢናቱሞዳ? ኑኡኮ ማዳኣ ፔቴቱሞዳ?

19 ሃሮ ሄላንዳኣና ኑ ዩያይዲ ጌሰታሢ «ኑ ዳቤያ ዳቢባኣሴ» ጌይ ጌሰታያ ዒንሢም ማላ? ኑኡኒ ኪሪሰቶሴና ማዒ ኬኤዛሢ ያኦሲ ቤርታኬ፤ ኑ ዒጊኖንሢያጉቴ! ኑኡኒ ሃያ ዒንሢም ኬኤዛሢ ዒንሢ ዳዲሺ ማኸንኬ። 20 ታኣኒ ዒንሢ ኮይላ ሙካ ሞዶና ታ ማላ ጎይያ ዒንሢ ማዒባኣያ፣ ሃሣ ታኣኒያ ዒንሢ ማላ ጎይያ ማዒባኣያ ኑ ሞላ

ካላማንዳኣ ናንዳኔ ጌዒ ታ ዒጊጫኔ፤ ጎምንቴ ዒንሣ ባኣካ ዑራ፥ ቂኢሩሞ፥ ጎሪንቴ፥ ፑርታ ማዳኒ ዘርቲሣ፥ ዓሲ ፑርቲሲ ጌሰቲሣ፥ ደንኮ፥ ያቶርሙሞንታ ዣሎንታ ዓኣ ናንዳኔ ጌዒ ታ ዒጊጫኔ። 21 ዬኖ ታ ዒንሣ ኮይላ ለሚያ ሙካዘና ታ ያኦዛሣ ጎምንቴ ዒንሣ ቤርታ ታና ቦርሲሳንዳያ ናንዳኔ ጌዒ ታ ዒጊጫኔ፤ ሃሣ ሚርጌ ዓሳ ሃያኮ ቤርታ ዔያታ ማዳ ጎሞንታ ዒኢቲ ማዳንታ ዓኒ ሃሣ ማቕ ማዒባኣያና ላሄሢንታ ዓኒ ሃሣ ማቕ ማዒባኣያና ላሃኒ ኮዒ ዓማሊያ ጎሞንታ ዔያታ ቡኡዒባኣያ ማዔም ታና ሚርጌ ያዩሳንዳያ ናንዳኔ ጌዒ ታ ሚርጌ ዒጊጫኔ።

# 13

## ጳውሎሴኮ ጋፒንያ ዘርና ሳራሢያ

1 ዓካሪ ሃና ታኣኮ ዒንሣ ኮይላ ሃይሣሶ ሙኮ ማዓንዳኔ፤ ቢያ ባኣዚኮ ጎኑማ ዔርታሣ ለምያ ሃንጎ ሃይሃ ማርካናኬ። 2 ለሚያ ታ ዒንሣ ዛጋኒ ዒንሣ ኮይላ ሙኬ ዎዶና ላቲ ታ ዒንሣም ኬኤዜ ባኣዚ ዓኣኔ፤ ሃሣያ ታ ሃኬ ዓኣያ ቤርታ ጎሞ ማዳዘንሣንታ ሃንጎሞቶንታም ላቲ ታ ኬኤዛኔ፤ ዓካሪ ታ ዒንሣ ኮራ ማዒ ሙካኣና ያናኣ ታ ሚጨንቴ ጌሰታዓኬ፤ 3 ዬያይዲ ታኣና ማዒ ኬኤዛሣ ኪሪሰቶሴታሣ ዒንሣ ዔራንዳኔ፤ ዒንሣ ባኣካ ዒ ማዳንደሣ ዎልቁናኬ፤ ላቢሣናቲዎሴ። 4 ዒዚ ፑርቶ ዓሶ ሱያ ሚያይዲ ሱዒንቴ ሃይቄሣ ላቢሣና ማዔያታቲያ፥ ሃሣ ዒዚ ያኦሲ ዎልቁና ሹምፖና ናንጋኔ፤ ኦኡኒያ ዒዛና ዎላ ማዒያና ላቤያ ማዔቲያ ዒንሣም ማዳኒ ያኦሲ ዎልቁና ዒዛና ዎላ ሹምፔና ዓኣያ ማዒ ኦ ናንጋኔ።

5 ዒንሣ ያኦሲ ጎኔ ጉሙርቃያ ማዒያ ዔራኒ ዒንሣ ማሃ ዛጉዎቲ፤ ሃሣ ዒንሣ ገንሣ ሹሪ ያኦጩዎቲ፤ ዒንሣ ዣኣሌቲ ሌሊ ማዓንዳኣፓዓቲም ሃንጎ ዬሱሰ ኪሪሰቶሴ ዒንሣዳ ዓኣሣ ዒንሣ ዔሩዎዓዳ? 6 ኦኡኒ ጋዓንቴ ዬያና ዳቢንቴ ዣኣሊባኣያ ማዔሣ ዒንሣ ዔራኔ ጌይ ኦ ጉሙርቃኔ። 7 ዒንሣ ፔቲታያ ፑርታ ባኣዚ ማዳዎጉዲ ያኦሲ ኦ ሹኢቃኔ፤ ኦኡኒ ሹኢቃሣ ዎዚ ዓሲም ኦ ኮሹ ዓሲ ማዒ ጴዳባኣቲያ ዒንሣ ቢያ ዎዴ ፒዜ ማዔ ባኣዚ ማዳንዳጉዲ ማዓንዳኣፓዓቲም ኦ ኮሹም ዳዋኒቲዎሴ። 8 ዓይጎር ጌዔቲ ኦ ጎኑሞም ማዳኣፓዓቲም ጎኑሞና ዎላ ዓኣዲዎ ባኣዚ ዓይጎዎ ኦ ማዳኒ ዳንዳዑዎሴ። 9 ኦኡኒ ላቤያ ማዔም ዒንሣ ደዲ ማዔቲ ኦም ቃራኬ፤ ኦኡኮ ሹኢጲፃ ዒንሣ ፓጩ ባኣዚባኣ ዓሲ ማዓንዳጉዲኬ። 10 ሃያ ኪኢቶ ዒንሣፓ ሃኬ ዓኣያ ታ ያኣፔሣ

13:1 13:1 ለሚ. ዎማ 17:6፤ 19:15።

ዩያሮኬ፤ ዩያይዲያና ታ ዒንሢ ኮይላ ሙኬ ዎደና ጎዳ ታአም  
ዒንጌ ቢታንቶና ታ ዒንሢ ማታሳዕኬ፤ ዓይጎሮ ጌዔቴ ጎዳ ዩያ  
ቢታንቶ ታአም ዒንጌሢ ዒንሢ ታ ደዲሺ ማዠንዳጉዲኬ፥ ሻሂ  
ባባይዛንዳጉዲቱቆሴ።

11 ዓካሪ ታ ዒሾንሦ! ሚሾንሦ! ኮሺ ሰንጉቆቴ፥ ፓጩ ባኣዚባኣ  
ዓሲ ማዓኒ ደዲቆቴ፥ ታ ዘሮ ዎይዙቆቴ፥ ዎላ ሃሃ ጊኣጊ ሰንጉቆቴ፥  
ሴካና ሃንጋና ኮሹሞና ሰንጉቆቴ። ሰሹሞና ኮሹሞናኮ ያኣዛሢ  
ዒንሢና ዎላ ማዓንዳኔ።

12 ዎሊኮ ጌርሲንሢጉዲ ማዒ ዎሊ ሄርቂ ሄርቂ ዎሊ  
ዔኤሉቆቴ።

13 ያኣሲም ዲማዴ ዓሳ ቢያ ዒንሢ «ኮሺዳ?» ጋዓኔ።

14 ጎዳ ዩሱሰ ኪሪሰቶሴኮ ኮሹማ፥ ያኣሲኮ ሰሹማ፥ ዓያኖ  
ጌኤዦኮ ፔቱማ ዒንሢ ቢያሢና ዎላ ማዖንጎ።

**ጌሌዥ ማግኔግ**  
**The Holy Bible in the Maale language of Ethiopia,**  
**using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌሌዥ ማግኔግ**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929